



30

Hari Doa

9 Julai–7 Ogos 2013

MERAIKAN

20 *tahun kemajuan*
1993 - 2013

Satu Panduan doa harian terperinci
Fakta dan angka

EDISI ISTIMEWA

Selamat Datang ke Edisi Istimewa Ini 1993 - 2013

DALAM TERBITAN INI

Kamajuan 20 Tahun	2
Fokus Kami	4
Hari 1-30 Bermula	5
Petikan Terkenal	9
Kata Orang Lain	14
Dialog Contoh	20
Duta Keamanan	33

20 TAHUN bukan satu jangka masa yang panjang untuk sesuatu pergerakan doa. Dalam sejarah, pernah ada pergerakan doa yang lebih lama tempohnya. Namun, kami rendah hati dan teruja untuk melihat edisi ke-20 'Panduan Doa 30 Hari'.

Pada 1993, waktu panduan doa pertama diedarkan, Islam bukan item berita harian, dan kebanyakan Kristian tidak terfikir untuk menjangkau 'Dunia Muslim'. Banyak telah berubah sepanjang tempoh 20 tahun ini. Dalam edisi ini, kami telah berusaha untuk mencerminkan perubahan kedua-dua aspek positif dan negative tersebut. Kami juga telah memaparkan sebahagian daripada pekerjaan Allah yang dahsyat yang kami telah saksikan sepanjang dua dekad berdoa bersama. Contohnya, bilangan besar Muslim yang telah datang kepada Kristus. Negara-negara membuka, gereja-gereja ditubuh, benih firman ditabur dan orang Muslim kini mendengar Khabar Baik. Ya, memang terdapat cabaran. Tetapi kita sebagai Tubuh Kristus telah dimaklum tentang cabaran-cabaran ini. Yesus tidak pernah menyembunyikan hakikat ini. Tetapi Beliau telah menerangkan bahawa doa, syafaat, pemberian dan pengutusan kami memberikan kami upah di syurga dan membawa pengharapan kepada bangsa-bangsa di bumi. Sekali lagi dalam edisi ini anda akan membaca artikel-artikel daripada padang tuian bagaimanaramai lelaki dan wanita sedang menyaksikan karya hebat Allah di kalangan orang Muslim. Titik-titik doa yang ada dalam setiap artikel datang dari pihak pekerja dan mencerminkan situasi sebenar dan terkini di tempat kejadian. Kebanyakan laporan baik dalam edisi ini adalah hasil doa setia anda dan Kristian lain sepanjang 20 tahun ini. Kami amat berterima kasih di atas usaha anda. Panduan doa ini akan menerangkan mengapa.

30 Hari Doa: Kemajuan 20 Tahun

20 tahun yang lalu, terdapat kira-kira 1.1 billion Muslim di dunia . Waktu itu, Islam merupakan agama asing yang kurang diketahui di kebanyakan negara barat, dan usaha Gereja untuk menyebarkan iman mereka dengan orang Muslim jarang dijumpai.



Dua puluh yang lalu beberapa orang pemimpin misi telah berkumpul di Mesir dan mula berdoa untuk dunia Muslim. Semasa berdoa, mereka dicabar untuk menumpukan perhatian mereka untuk menjangkau dunia Muslim dengan berkat Kerajaan Allah. Maka lahirlah 30 Hari Doa untuk Dunia Muslim.

20 Tahun lalu

Kini, agensi itumemiliki 10 kali ganda lebih ramai pasukan yang berkerja di dunia Muslim berbanding 20 tahun yang lalu, dan merupakan salah satu daripada kumpulan ramai yang telah menyahut panggilan untuk memberitakan firman Yesus di mana iaNya tidak diketahui di kalangan orang Muslim. Dengan kepercayaan bahawa semua orang harus diberi peluang untuk memilih agama pilihan mereka, lebih ramai anggota Tubuh Kristus menggunakan pendekatan kreatif untuk menunjuk kasih Yesus di kalangan komuniti Muslim di seluruh dunia.

Acara doa 30 Hari Doa untuk Dunia Muslim telah memainkan peranan penting dalam perkara ini melalui – mendidik, memotivasi dan menggalak orang percaya supaya berkongsi kepercayaan mereka dengan

penuh hormat dan kasih sayang. Panduan ini kini diedarkan lebih dari 38 bahasa, dan berjuta-juta orang telah mengambil bahagian dalamnya. Apakah pencapaian sepanjang 20 tahunruntuhan doa ini ?

Seorang perancang strategi misi telah melaporkan tahun lepas dalam majalah Missions Frontiers, di tahun 1997, mereka hanya dapat mengenalpasti dua pergerakan penanaman gereja di kalangan bangsa-bangsa Muslim. Walaubagaimanapun, menjelang 2010, mereka telah dapat mengenalpasti sekurang-kurangnya 25 populasi Muslim di mana berlakunya sekurang-kurangnya 1,000 baptisan dan/atau penanaman 100 gereja sepanjang dekad ini. Antaranya termasuklah:

- Satu trobosan besar di Asia Selatan, di mana sekurang-kurangnya setengah juta orang mempercayai Yesus di kalangan orang Bengali yang berlatarbelakangkan Muslim.
- Di Iran, penyiaran satelit Kristian ditontoni ramai dan memberi sokongan kepada satu pergerakan gereja bawah tanah yang kuat dan semakin berkembang, dengan beribu persekutuan rumah bercambah di seluruh negara itu.

□ Beberapa ribu ahli kumpulan Berber di Afrika Utara yang tidak terjangkau telah datang kepada iman melalui satu daripada beberapa pergerakan yang berlaku di rantau itu.

Perkembangan teknologi sepanjang 20 tahun yang lalu ini telah mengubah cara penyampaian injil kepada kumpulan Muslim yang dahulunya belum dijangkau. Penyiaran radio dan satelit kepada dunia Muslim telah mengakibatkan berjuta Muslim mendengar dan memberikan respons kepada firman Kristus. Di dunia Arab, melalui pelayanan SAT7 sahajamereka memiliki penonton tetap seramai 8.5 juta. Perkembangan teknologi juga telah memberikan impak terhadap pengedaran Firman. Terdapat lebih banyak terjemahan ke dalam bahasa tempatan, versi Firman online audio dan video, dan file digital yang mudah edar. Kini firman Yesus lebih senang diakses

dan difahami oleh orang Muslim.

20 tahun yang akan datang

Bagaimana pula 20 tahun yang akan datang? Mengikuti kajian Pew yang dikeluarkan pada Januari 2011, meramalkan dunia Muslim akan menjadi dua kali ganda berbanding 20 tahun yang lalu, dan orang Muslim akan mewakili satu per empat daripada populasi global. Sebagai pengikut Kristus, kita mesti bangkit menghadapi perkembangan ini dengan pengandaian iman dan kasih sayang. Bolehkah kita melakukannya?

Perkembangan teknologi sepanjang 20 tahun yang lalu ini telah mengubah cara penyampaian injil kepada kumpulan Muslim yang dahulunya belum dijangkau.



Fokus Kami

Menggalak, Mendidik dan Membolehkan Sejak 1993



Memanggil seramai
mungkin Kristian untuk
berdoa bagi dunia Muslim

Matlamat panduan doa ini adalah untuk memberi inspirasi dan panduan kepada setiap pembaca semasa dia merayu di hadapan takhta Yang Maha Besar. Kami menggalakkan anda untuk mendapatkan maklumat lanjut dan pemahaman lebih mendalam tentang dunia Islam dan karya Allah di kalangan Muslim, serta pengetahuan secara langsung dengan membina persahabatan dengan Muslim di kawasan anda. Gunakanlah Firman sebanyak mungkin dalam doa dalam minggu-minggu yang akan datang ini. Gunakannya dalam doa kumpulan ataupun individu. Kami telah memasukkan pelbagai rujukan Alkitab dalam buku ini. Sambil anda merenung dan berdoa menggunakan teks ini, mintalah Allah supaya berikan inspirasi kepada anda. Ini akan membina iman dan Allah dapat memberi anda penglihatan baru untuk doa berdasarkan FirmanNya.

Ramadan 1434

30 hari ini selari dengan bulan Ramadan Muslim. Berdoa dalam tempoh ini membantu Kristian memahami Muslim. Semasa Ramadan, Muslim lebih beragama dan ramai mencari jawapan dari Allah. Ini memberikan

kita peluang untuk berdoa secara khusus untuk Allah berbicara dan berkarya dalam kehidupan Muslim. Setiap tahun kami menerima banyak kesaksian bagaimana Allah berbuat demikian.

Mengikut kalendar Muslim, ini adalah tahun 1434. Buku ini adalah buku yang ke-22 sejak penerbitan pertama pada 1993. Telah terdapat 22 tahun lunar sejak itu. Secara purata, Ramadan tiba 11 hari lebih awal setiap tahun.

30 Hari Antarabangsa

'30 Hari Antarabangsa' menekankan kasih Allah untuk orang-orang Muslim. Pergerakan doa ini sentiasa cuba memupuk satu semangat rendah diri, kasih saying, hormat dan pelayanan terhadap Muslim. Kami mengekalkan satu sikap positif terhadap Muslim. Kami tidak memandang rendah ataupun mengutuk mereka. Kami memahami yang Islam melibatkan manusia. Kerana itulah Yesus bersabda, "Kasihilah sesamamu manusia seperti dirimu sendiri."

Untuk maklumat lanjut mengenai kami, matlamat dan idea tentang bagaimana untuk berdoa secara berkesan, sila layari laman antarabangsa: www.30-days.net.

Siapa merampas revolusi kami?

TITIK-TITIK DOA :

- Mata rakyat dan pemimpin politik di dunia Arab dibuka untuk memahami kebenaran, dan mengejanya dengan penuh keberanian. Berdoa agar orang yang percayakan Kristus akan menjadi pulau-pulau kedamaian yang benar di tengah-tengah musim pergolakan ini. (Mazmur 46)
- Kedua-dua orang percaya yang baru dan lama akan bersaksi dengan berani tentang 'pengharapan yang ada padamu' dan supaya ramai akan mengimani Yesus. (1 Petrus 3:15)
- Orang percaya dalam dunia Arab akan memiliki keselamatan dan keberanian, serta hak berkebebasan beragama.

Hari 1 | Selasa
Julai 9

Dunia Arab

GARISMASA
1993

1993: Adel Darwish kelahiran Mesir
mengarang 'Peperangan Air: Konflik di Timur
Tengah'.

Musim Bunga Arab: Dua Tahun Kemudian...

Ia bermula dengan penuh keghairahan. Revolusi-revolusi melanda dari Tunisia ke Mesir dan Libya. Dengan cepat ia mula dikenali sebagai Musim Bunga Arab. "Adakah ini masanya dunia Arab menghakis kerajaan autokratik dan korup lalu mengikut Eropah Timur ke dalam impian besar 'dunia bebas'?" Pengharapan mengalir seperti air di jalanan. Namun, dua tahun kemudian, sungai harapan itu bertukar kering, diganti dengan ketidakpastian dan ketakutan. Bukan keamanan dan kemajuan – sebaliknya penyingkiran kepimpinan lama telah melepaskan ketegangan yang telah lama terpendam dan membawa kepada rasa tidak selamat yang lebih hebat. Para pemimpin revolusi yang muda bertanya, "Siapakah yang telah merampas revolusi kami?" Para pengulas asing bertanya, "Adakah Musim Bunga Arab telah menjadi Musim Sejuk Arab?" Inilah realiti Musim Bunga Arab: walau pelbagai masyarakat bersatu dalam kerinduan untuk menggulingkan kerajaan yang korup, ahli-ahli masyarakat itu mendukung impian masa hadapan yang amat berbeza. Satu kumpulan melihat kebebasan dan demokrasi sebagai jawapannyasementara kumpulan yang lain

memandang kepada komitmen yang lebih kuat kepada Undang-undang Syariah dan prinsip serta amalan Islam sebagai kuncinya. Agenda yang berbeza ini semakin berkonflik dalam rumah-rumah serta jalanan dunia Arab. Namun, di tengah pergolakan ini, satu lagi set kisah-kisah sedang ditulis. Ramai dalam komuniti Kristian telah menemui semangat dan dedikasi untuk melihat kerajaan Allah datang kepada negaramereka. Dalam bulan November 2012, 70 000 orang Kristian dari semua denominasi telah berkumpul di Kaherah untuk berdoa bagi negara mereka. Yang lain pula menemui keberanian yang semakin membesar untuk menjangkau jiran Muslim mereka dengan penuh kasih sayang dalam cara-cara yang baru dalam keadaan yang tidak menentu ini. Kisah-kisah mengenai Muslim datang kepada iman dalam Kristus, dan berjumpa bersama untuk sokongan, galakan dan didikan telah meningkat secara meluas di rantau ini. Walaubagaimanapun, pergerakan-pergerakan ini semakin dijadikan sasaran intimidasi dan penganiayaan oleh keluarga, komuniti atau kerajaan.

Menangani Cabaran

Pernahkah anda membuat janji hebat di waktu Tahun Baru tetapi gagal untuk menunaikannya? Di penutup abad ke 18, terdengar satu seruan besar merentasi kampus-kampus kolej dan konferens pelajar: “Peningjilan dunia dalam generasi ini!” Dalam senja abad ke 19, satu seruan yang serupa dilaungkan: “Gereja untuk semua bangsa dan injil untuk semua orang dalam tahun 2000 dan seterusnya!” Namun, walaupun terdapat satu dorongan yang kuat, Perintah untuk memberitakn Injil tidak terlaksana sepenuhnya dalam abad ke 19 mahupun di tahun 2000. Para

penyelidik menganggarkan dalam abad ke 19 terdapat seramai 900 juta orang tidak ada akses kepada Kristus, Kristian ataupun Injil. Menjelang 2000,

angka ini telah berganda kepada 1.8 bilion. Kini angkanya melebihi 2 bilion. Ramai diantaranya Muslim.¹

Membawa Khabar Baik ke satu dunia yang tidak inginkannya dan berhadapan dengan Musuh yang hebat adalah satu cabaran. Bagaimanakah kita dapat menghadapi cabaran ini secara realistik?

Kita mesti membuat persediaan – bukan untuk cabaran membuat janji, tetapi cabaran menunaikan janji itu. Di sini ada beberapa kunci praktikal:

- Sertai sebuah pasukan. Greg Livingstone, peneraju Frontiers, pernah berkata kepada saya, “Kita harus lebih bimbang tentang siapa yang bersama kita daripada tempat tuju kita.” Sebuah pepatah Afrika berkata: “Jika ingin bergerak laju – pergilah bersendirian. Jika ingin pergi jauh, bergeraklah bersama.”
- Tabah dalam iman, pengharapan dan kasih sayang: Hari ini anda berdoa untuk dunia Muslim bersama satu pasukan yang amat besar. Dan dunia itu tidak akan terjangkau tanpa doa yang berkesan. Tapi, doa itu mestilah beralaskan iman, pengharapan dan kasih

sayang untuk semua lelaki, wanita dan kanak-kanak dalam dunia Muslim yang disayangi Allah. Greg Livingstone berkata dia mendoakan untuk 5% dunia Muslim untuk datang kepada Kristus. Mengapa 5%? “Allah memberikan iman untuk 5%, maka saya akan mendoakan dan bertindak di atasnya sehingga ia tercapai.”

Para penyelidik menganggarkan dalam abad ke 19 terdapat seramai 900 juta orang tidak ada akses kepada Kristus, Kristian ataupun Injil. Menjelang 2000, angka ini telah berganda kepada 1.8 bilion.

TITIK-TITIK DOA:

- Berdoalah untuk pasukan yang berkerja di dunia Muslim supaya mengasahi antara satu sama lain kerana “dengan demikian semua orang akan tahu, bahwa kamu adalah murid-muridKu” (Yohanes 13:35) dan “kasih yang sempurna akan melenyapkan ketakutan” (1 Yohanes 4:18)
- Berdoalah untuk kasih karunia Allah untuk merendahkan diri dan lentur apabila berdepan dengan cabaran, dan supaya ‘mata akan melihat dan telinga akan mendengar’ rencana Allah (1 Korintus 2:9-16)

Lebuhraya Pelarian: Satu tuaian rohani sedang menguning di Eropah!

Di Eropah satu tuaian rohani sedang menguning! Lebih sejuta pelarian kini tinggal di Yunani, sebuah negara dengan populasi lebih kurang sebelas juta. Ramai pelarian datang dari negara Muslim di mana tiada kebebasan beragama. Jauh dari negara asal dan sering kecewa dengan kehidupan, ramai di antara mereka sangat terbuka kepada Injil.

Pada Julai 2012 sekumpulan orang percaya berangkat ke Athens untuk membantu pelarian ini secara perkataan dan perbuatan. Mereka berkerjasama dengan gereja tempatan – mengedar makanan dan kit kebersihan diri bersama Alkitab dan bahan bacaan Kristian dalam beberapa bahasa, serta kad mikro-SD 2-gigabyte untuk tepon bimbit.

Kad-kad SD ini mengandungi filem 'Jesus' (Yesus) dalam enam bahasa, serta Alkitab audio dan lagu-lagu, dan cerita dari orang yang berkongsi bagaimana mereka menemui Yesus dalam cara yang relevan dari segi budaya. Ramai pelarian mempunyai telefon bimbit. Dan ini bermakna mereka menggunakan headphone – tiba-tiba mereka tidak perlu bimbang yang mereka akan dilihat membaca Alkitab oleh orang senegara. Telefon bimbit ini juga bergerak

bersama pelarian dalam perjalanan mereka kearah Eropah Tengah.

Ketenteraman dan Damai Sebenar

Amir masih kanak-kanak semasa ibubapanya lari bersamanya ke Iran. Sebagai pemuda dia mempunyai akses kepada Internet dan mula belajar bahasa Inggeris melalui ruangan sembang (chatroom). Kristian dalam chatroom ini memberitahunya mengenai Yesus dan berdoa untuknya, dan ini benar-benar menyentuh hatinya. Setelah melihat status rasmi anak lelaki sulungnya sebagai 'Kanak-kanak Pelarian' pada sijil lahirnya, Amir sedar bahawa dia perlu bergerak mencari kediaman kekal di mana dia boleh hidup dalam keamanan dan kebebasan bersama keluarganya. Semasa perjalanannya dia tinggal di Athens di mana dia bertemu Kristian. Dia datang kepada iman dalam Yesus di sana. Amir adalah satu daripada ramai pelarian Muslim, semasa dalam perjalanan mereka, berjumpa dengan Dia yang pernah menjadi pelarian dan yang menawarkan ketenteraman dan damai dalam diriNya.



TITIK-TITIK DOA:

- Berdoalah untuk ribuan Muslim di Lebuhraya Pelarian. Serulah kepada Allah semoga mereka menjumpai Hidup sebenar. (Yohanes 14:6 "Akulah jalan dan kebenaran dan hidup...")
- Berdoalah semoga Kristian akan menawarkan kasih sayang, hormat dan pertolongan kepada pelarian ini. (Matius 25:35: Ketika Aku orang asing...)
- Berdoalah agar pelarian Muslim yang datang mengenal Yesus boleh hidup dengan sukaria dalam iman mereka, dan menjemput ramai lagi Muslim lain untuk hidup bersama Yesus. (Yohanes 13:15 "...bahwa kamu adalah murid-muridKu...")

Mazmur 72

Kami semua diberkati oleh kesetiaan Allah

17 Semoga selama-lamanya nama raja diingati, dan kemasyhurannya kekal seperti matahari. Semoga semua bangsa minta diberkati seperti raja, dan semua orang menyebut raja berbahagia.

18 Pujilah TUHAN, Allah umat Israel, hanya Dia yang melakukan hal-hal yang mengagumkan.

19 Pujilah nama-Nya yang mulia itu selama-lamanya, semoga seluruh bumi penuh dengan kemuliaan-Nya!

Amin! Amin!

Satu doa yang baik untuk diingat ialah "Tuhan, berkatilah aku supaya memberkati bangsa-bangsa, luaskanlah daerah pengaruhku, tanganMu dan Roh panduanMu menyertai aku dan lepaskanlah aku daripada yang jahat." Anda akan menjumpai doa ini – dan balasan Allah terhadapnya – 1 Tawarikh 4:9-10.

Doa memerlukan lebih daripada hati berbanding daripada lidah

"Doa adalah satu-satunya kuasa di bumi yang mengarahkan kuasa syurga." ~ Andrew Murray

Malaikat telah membawa Petrus keluar dari penjara, tetapi doalah yang membawa malaikat itu kepada Petrus

Satu orang yang berdoa boleh mengubah dunia – JADILAH PENGUBAH ITU

Allah menghendaki DOA SYAFAAT sebelum Dia CAMPUR TANGAN

Had-had doa hanyalah janji-janji Allah dan kesanggupannya

menunaikan janji-janji tersebut, 'Bukalah mulutmu lebar-lebar, maka Aku akan membuatnya penuh.' Mazmur 81:10

"Nyatakanlah dalam segala hal keinginanmu kepada Allah dalam doa dan permohonan dengan ucapan syukur."

Filipi 4:6

Salah satu hadiah terbaik kepada diri sendiri adalah MASA BERSENDIRIAN BERSAMA ALLAH

Panggilan untuk BERDOA tidak datang dari manusia, tetapi dari Allah Sendiri.

Allah mempunyai masa untuk mendengar; adakah anda ada masa untuk BERDOA?

Adalah Mustahil untuk Menghampiri Takhta Kasih Karunia.....dan Keluar dengan Tangan Kosong...Ibrani 4:16

Petikan Doa Terkenal

{ Keterangan: Ada petikan kesukaan? Tulis kepada kami: favquotes@30-days.net }

Bagaimana satu doa dapat diukur?

Kembalikan doa ke rumah, anak-anak akan membawanya ke sekolah

Algeria bertindak ke atas Militan Islam. Hampir semua pendatang asing meninggalkan negara itu di tengah-tengah perang saudara.

Lapar akan Kebenaran: Kanak-kanak Algeria

Di kaki sebuah gunung besar di Utara Algeria, terdapat sebuah kampung pedalaman di Kabylie yang merupakan tempat seorang kanak-kanak dibesarkan bernama Yusuf. Setiap hari di sekolah dia belajar mengenai Islam, dan membaca Al-Quran dalam Bahasa Arab. Yusuf tidak banyak mendengar tentang Tuhan walau selepas ayahnya percaya dalam Yesus. Ayahnya terpaksa berkerja keras dan tidak dapat meluangkan masa untuk menceritakan kepada Yusuf kisah-kisah dari Alkitab. Pemikiran Yusuf terserabut: Di sekolah, mereka mengajar Islam, tetapi di rumahnya, ayah memberitahu dia tentang Allah Alkitab. Maka Yusuf betul-betul ingin tahu yang mana satu dari dua jalan ini adalah benar dan akan memandunya untuk mengenal Allah yang hidup!

Peluang Datang

Pada suatu musim panas, sebuah gereja berdekatan – hampir 50km jauhnya – mengadakan sebuah kem untuk kanak-kanak. Yusuf teringin pergi, tetapi kem ini hanya untuk kanak-kanak gereja tersebut dan Yusuf tidak menghadiri gereja itu. Dia diberitahu yang dia tidak dapat menyertai. Tetapi pada hari sebelum kem itu bermula, salah seorang pelayan kem tersebut tergerak hati untuk menambah satu tempat untuk Yusuf! Yusuf amat teruja. Yusuf sangat seronok di kem itu, tetapi jauh dalam lubuk hatinya dia masih tergerak oleh soalan : yang mana satukah jalan yang betul? Pada hari terakhir kem , pelayan yang tergerak hatinya

untuk menjemput Yusuf mula berbual dengannya. Akhirnya, Yusuf berpeluang untuk bertanya soalan dan berkongsi minatnya yang besar untuk mengetahui kebenaran. Melalui perbualan ini, Yusuf belajar tentang kasih Allah dan firman Yesus, yang memanggil kita untuk bertobat dan mengikutNya. Apabila ditanya sama ada dia ingin mempercayai Yesus sebagai Juruselamatnya, Yusuf menjawab “Ya,” dan dia berdoa bersama pelayan itu, dan akhirnya mengalami damai kerana soalnya terjawab.

TITIK-TITIK DOA:

- Berdoalah untuk kanak-kanak di Kabylie dan seluruh Algeria agar mereka semua akan mendapat peluang untuk mendengar tentang Yesus (Lukas 18:16).
- Berdoalah untuk kanak-kanak yang percaya dalam Tuhan Yesus Kristus agar iman mereka bertumbuh dan mereka akan mempunyai keberanian untuk memberitahu orang lain tentangNya (Markus 9:36-37).
- Berdoalah agar Allah melindungi Kristian di Algeria yang teraniaya (Matius 5:10).

Kultus Sylhertis: Taklimat Sihir Dulu dan Kini di Bangladesh

Terdapat dua pengaruh besar dalam iman Islam Sylhetis – satu dari masa lampau dan satu dari masa kini.

Dulu

800 tahun lalu, seorang ‘santos’ Muslim dan 360 pengikutnya datang ke Sylhet, bandar paling penting di daerah Sylhetis yang hari ini merentasi timur laut Bangladesh sehingga ke daerah India yang berjiranan. Muslim itu telah mengalahkan raja Hindu, kononnya melalui kuasa sihirnya. Dalam abad-abad yang berikut, Islam tersebar dari Sylhet ke seluruh Bengal. Ia berevolusi dan menjadi satu kultus kuat yang mempunyai perkaitan dengan kubur Muslim dan pengikutnya, yang mengintegrasikan amalan mistik dan sihir yang berlainan. Adalah satu amalan biasa untuk Muslim Sylheti mencari pertolongan dari yang telah mati di kuburnya pada petang hari Khamis.

Terkini


Terkini, pengaruh Islam ortodoks telah kuat berkembang. Setiap Jumaat, masjid-masjid penuh dengan orang lelaki yang bersembahyang. Sylheti adalah di antara Muslim paling konservatif di daerah itu.

Keperluan Besar

Terdapat hampir 11 juta Muslim Sylheti. 7 juta tinggal di Bangladesh, 2 juta di India dan selebihnya bertaburan di seluruh dunia. Ramai keluarga Sylheti ada ahli keluarga yang tinggal dan berkerja di luar negara. Keluarga yang mampu akan menghantar anak-anak mereka ke dunia barat, khususnya Great Britain. Keluarga yang lebih miskin akan menghantar anak-anak mereka berkerja di negara-negara di Semenanjung Arab. Walaubagaimanapun, kebanyakan Sylheti masih hidup dan mati dalam kemiskinan tegar.

TITIK-TITIK DOA:

- Orang Sylheti akan mendapat Alkitab sendiri dan kemampuan untuk membacanya. (Romans 10:17)
- Orang Sylheti akan mendapat kebebasan dan pertolongan, bukan dari kubur, tetapi dari Yesus, yang telah mengalahkan maut. (2 Timothy 1:10)
- Agar Sylheti di luar negara akan bertemu Kristian yang boleh memberitahu mereka tentang Yesus dan memanjangkan firmanNya kepada keluarga mereka.



Permodenan Bajau Pantai Barat Malaysia

Orang Bajau Pantai Barat diam di Sabah, negeri Malaysia yang paling utara di pulau Borneo. Terdapat hampir 65,000 orang Bajau. Orang luar menggelar mereka 'Bajau', tetapi di kalangan sendiri mereka cuma berkata 'Sama'. Bahasa mereka mempunyai perkaitan dengan bahasa Sama-Bajau lain yang digunakan di Filipina, pantai timur Sabah dan Sulawesi (Indonesia).

Suku Kaum dan Identitinya

Pada masa dahulukala orang Bajau Pantai Barat merupakan penghuni kapal di mana kehidupan mereka berpusatkan laut. Kini ramai kaum kreatif ini telah mengamalkan cara hidup agrarian, menanam padi dan tanaman lain. Mereka juga memelihara haiwan ternakan dan kuda – mereka kadangkala dipanggil 'Koboi Timur'. Mereka mempunyai tradisi pertunjukan kuda, di mana kuda dan penunggangnya kedua-duanya dihiasi pakaian warna-warni.

Mereka bangga akan budaya dan bahasa

mereka. Namun, perkahwinan campur dengan suku kaum jiran serta perpindahan orang muda ke bandar kerana mencari pekerjaan menyukarkan warisan, bahasa dan budaya mereka dikekalkan. Sepertimana banyak suku kaum di kawasan ini, pemodenan semakin mengambil alih.

Agama dan Masyarakat

Sebahagian besar orang Bajau Pantai Barat adalah Muslim. Agama memainkan peranan penting dalam identiti dan kehidupan komuniti mereka. Banyak acara kampung mempunyai kaitan dengan amalan dan kalendar Islam. Keluarga-keluarga akan mengadakan mosoduo – bacaan doa – yang selalu disertai makan beramai-ramai. Konsep sedekah juga satu bahagian besar kenduri ini kerana peserta akan memperoleh balasan dan manfaat rohani. Perayaan terbesar setiap tahun adalah Hari Raya Aidilfitri – lebih dikenali



sebagai Hari Raya Puasa, atau cuma sebagai Hari Raya di Malaysia – untuk menandakan akhirnya Ramadan, bulan puasa yang mulia. Walaupun terdapat pengaruh Islam, ramai Bajau masih, pada tahap yang berbeza, memegang teguh kepada kepercayaan dan amalan animisme. Mereka sensitive dan takut terhadap dunia roh yang mereka percaya boleh menyebabkan sakit-penyakit atau malapetaka yang lain. Ada yang cuba memanfaatkan kuasa rohani ini untuk mengubati diri sendiri dan orang lain.

TIK-TIK DOA:

- BERDOA agar Allah akan menyatakan Anak Laki-lakiNya kepada suku kaum tidak dijangkau ini dalam mimpi dan penglihatan.
- BERDOA agar orang percaya tempatan dari kumpulan etnik berdekatan akan dirangsang untuk merentasi batasan bahasa dan budaya untuk menjangkau Bajau Pantai Barat.

Malawi Livingstone atau Madonna?

Dr. Livingstone telah mengubah takdirnya. Bolehkah Kristian hari ini buat perkara yang sama?

Di timur Zambia, selatan Afrika, letaknya salah satu negara termiskin di dunia yang masih terperangkap dalam satu kitar kelaparan dan penyakit. Negara itu ialah Malawi, yang telah menangkap perhatian dunia apabila bintang pop Madonna memulakan program anak yatim 'Raising Malawi' (Menaikkan Malawi).

Malawi sebenarnya adalah sebuah negara yang indah, dan keramahan orang tempatan disukai oleh pelancong-pelancong. Pencinta alam semula jadi amat suka akan taman dan hutan simpan, mendaki gunung dan meredah dataran. Yang lain pula terpesona dengan kepelbagaian suku kaum dan sejarah mereka yang menarik; orang Jumbe, pemerintah tempatan yang mewakili Sultan Zanzibar dan Yao



yang terkenal yang telah disesarkan dari kampung halaman di Mozambique dan mengakibatkan ramai yang berhijrah ke Malawi.

Harga Besar

Namun, kehidupan di Malawi adalah sukar. Jangka hayat purata adalah sekitar 52 tahun dan kebanyakan orang Malawi tidak mempunyai harapan besar untuk masa depan yang cerah. Bangsa ini berpusatkan keluarga dan terdapat pelbagai adat tentang cara melayan ahli keluarga. Ramai merupakan petani yang bersusah-payah menanam tanaman ruji atau tembakau, teh atau gula. Kanak-kanak juga terlibat dalam kerja berat ini.

Dr Livingstone, Agaknya

Kemungkinan besar Muslim yang pertama menjejak Malawi telah berbuat demikian hampir 500 tahun dahulu. Apabila mubaligh Kristian tiba, antaranya Dr David Livingstone, Islam sudah bertapak di situ. Walaupun terdapat pengaruh Kristian, pemujaan roh, penyembahan nenek moyang, kepercayaan dalam 'sihir hitam' dan persatuan-persatuan rahsia adalah sebahagian besar kehidupan harian mana-mana orang Malawi.

Organisasi-organisasi Muslim, dengan duit minyak untuk dibelanjakan, mendapatinya senang untuk membeli tanah dan memenangkan mukmin baru di Malawi. Masjid dan pusat-pusat Islam tengah didirikan di merata negara itu. Malawi adalah target strategic untuk mubaligh Muslim yang memandangnya sebagai pengkalan dari mana mereka boleh membawa Islam ke seluruh selatan Afrika.

TITIK-TITIK DOA:

- Radio merupakan sumber informasi utama bagi ramai orang Malawi. MBC yang dikendalikan kerajaan merupakan penyiar kebangsaan. Televisyen telah diperkenalkan pada 1999. Berdoalah untuk program-program Kristian.
- Berdoalah untuk projek-projek amali untuk membuka pintu. Terdapat misi perubahan yang berusaha untuk membawa air paip yang bersih kepada orang yang biasanya tidak mampu mendapatkannya. Projek-projek ini amatlah bermakna.
- Berdoalah untuk orang Yao yang kebanyakannya Muslim – agar gereja-gereja iman dan kasih Yao akan dibuka

Kata Orang Lain

Kesaksian Ringkas



“Usaha sedang dilakukan untuk meletak sebahagian Firman ke dalam tangan setiap orang yang tidak terinjl di Timur Tengah. Alkitab adalah sesuatu yang baru dan menyegarkan kepada ramai Kristian di negara-negara Muslim. Mereka tidak memiliki latarbelakang atau pandangan dunia Kristian, maka apabila mereka mendengar firman ia merupakan sesuatu yang luarbiasa dan membawa perubahan kepada mereka. Ini khususnya benar di kawasan-kawasan terpencil yang miskin, tetapi kurang di bandar-bandar lebih besar di mana pengaruh kebendaan telah bertapak. Apabila orang mendengar kebenaran dalam Alkitab, mereka beria memeluknya dan hidup sepenuhnya demi Allah. Itulah sebabnya mengapa kami, Kristian baru, mempunyai satu kerinduan dan keperluan yang amat besar untuk mendapatkan Alkitab...”

”Sini, di Timur Tengah, kami sedang melihat lebih ramai orang datang kepada Tuhan berbanding tahun-tahun lepas, dan ramai daripada mereka datang tanpa penglibatan ‘kimi’. Kami sangat teruja dengan apa yang Allah sedang buat di dalam dunia Muslim. Kami hanya menyaksikan banyak doa yang dituangkan dan yang Allah berkerja bagi pihak kita.”

“Seorang kawan memberikan saya Injil Yohanes. Dalam fasal pertama saya membaca Mesias Yesus itu adalah Anak Domba Allah. Dengan serta-merta satu misteri dalam jiwa Islam terbuka. Saya tahu bahawa jutaan haiwan yang disembelih semasa haj merupakan satu petanda merujuk kepada Mesias yang merupakan Anak Domba korbanan Allah.”

“Kawan Muslim saya mula membaca Perjanjian Baru baru-baru ini dan dengan serta-merta mula teruja membaca silsilah Yesus. Anda tahu bahagian yang saya maksudkan, 17 ayat pertama fasal 1, ayat-ayat yang selalu ditinggalkan oleh dunia barat. Kepada seorang Muslim, ayat-ayat ini sangat penting kerana membicarakan keluarga dan sejarah dan membuktikan Matius itu sah, boleh dipercayai dan ya – mengujakan! Dia terus ingin mengetahui siapakah Yesus Kristus, anak lelaki Daud, anak lelaki Abraham ini. Hari ini dia menolong menguruskan satu pelayanan penting menjangkau Muslim di negara-negara ‘tertutup’.”

“Saya bebas! Saya menemui bahawa tiada bandingan antara Kristian dan Islam. Di mana dulunya saya terpaksa mematuhi banyak peraturan dari Al-Quran dan Hadis, kini saya ada perhubungan dengan Allah. Jauh bezanya.”



Apple melancarkan Newton – PDA berjaya pertama yang membuka jalan untuk alat lain seperti Palm PDA, Pocket PC dan lain-lain.



Mengapa Pelayanan Radio Kristian Digunakan

Mengapakah radio dilihat sebagai alat penting untuk mempersembahkan iman Kristian di dalam zaman di mana video dan pengisian audio digital dapat dihantar ke computer-computer melalui kabel gantian optic atau isyarat wayarles, ? Mudah sahaja – kerana radio mempunyai kebolehan untuk menghantar mesejnya secara berkesan, tidak mahal dan menarik kepada peratus masyarakat dunia terbesar tanpa mengambil kira status ekonomi, tahap pendidikan atau lokasi geografi.

Sebagai contoh, Kristian di Asia Tengah disekat dari segi iman . Mubaligh asing pernah diusir keluar dari kawasan-kawasan tertentu. Namun Gereja tempatan masih terus maju, dan radio memainkan peranan penting. Di Afrika Utara, radio boleh didapati di merata daerah itu, dan ini membolehkan orang di kawasan bandar dan pendalaman serta orang terpelajar mahupun buta huruf untuk menerima dan memahami rancangan dalam bahasa sendiri. Radio juga merupakan penyelesaian tepat apabila berdepan dengan cabaran huruf tulisan. Contohnya, di Turkmenistan, generasi

tua menggunakan huruf Cyrillic manakala generasi muda telah biasa dengan huruf Rumi. Orang-orang Turkmen di negara asing membaca dengan menggunakan bahasa Arab, Farsi, dll. Siaran radio pula membolehkan mereka mendengar Injil dalam bahasa pertuturan mereka.

Dunia Islam penuh kepelbagaian budaya, dari Afrika ke Asia. Orang Maghribi hidup dalam keadaan yang amat berbeza berbanding orang Syria atau Indonesia. Pelayanan radio boleh mengambil kira perbezaan budaya apabila menghasilkan pengisian. Dan oleh sebab selalu berlakunya kekurangan bekalan elektrik di kawasan gunung atau padang pasir, radio berkuasa matahari adalah penting dalam penyiaran pengisian Alkitab. Gelombang radio dapat merentasi sempadan dan pergi ke tempat-tempat mubaligh tradisional tidak mampu pergi, dan

ke mana bahan Alkitab tercetak susah diakses. Dengan cara ini, pelayanan radio memainkan peranan penting dalam menjangkau dunia Islam untuk Kristus. Radio juga selalunya lebih murah berbanding kaedah menjangkau yang lain.

TITIK-TITIK DOA:

- Rancangan radio akan memenuhi keperluan yang dialami orang-orang itu.
- Penerbit radio tempatan boleh dihiburkan dan dilindungi.
- Mereka yang mencari kebenaran boleh mengenal Kristus dan bertumbuh di dalamNya.

Di Vancouver Metro - Sebuah Arus Membesar

Bandar British Columbia yang indah di persisiran Vancouver, merupakan pelabuhan laut terbesar dan bandar ketiga terbesar di Kanada. Banjaran utaranya mempunyai beberapa resort ski yang menyumbang kepada kemenangan bidaan untuk menjadi tuan rumah Sukan Olimpik Musim Sejuk 2010. Vancouver Metro merupakan salah satu bandar yang mempunyai kepelbagaian besar dari segi etnik dan bahasa di Kanada, dengan 40% penduduk (banci 2006) tidak menggunakan Bahasa Inggeris sebagai bahasa pertama.

Pendatang Muslim mula kelihatan di Vancouver pada tahun 1931. Pada awal 1970-an, kumpulan Muslim yang lebih besar tiba dari Afrika. Dalam tahun 1980, terdapat hanya satu lokasi untuk solat Jumaat di Vancouver Metro. Kini, terdapat lebih 15 lokasi utama untuk solat Jumaat.

Banci Kanada 2001 menunjukkan bahawa Vancouver metro mempunyai populasi 1.99 juta dan populasi Muslim seramai 52,600 manakala Banci 2006 menunjukkan populasi umum 2.1 juta dan anggaran seramai 90,000 Muslim. (Banci 2006 tidak meninjau agama). Perkembangan populasi Muslim yang pesat dikaitkan dengan peningkatan imigrasi, penempatan semula pelarian dan kadar kelahiran yang tinggi.

Kini terdapat ramai Muslim kelahiran Kanada yang bergaul dengan mereka yang tiba dari Iran, Pakistan, India, Afrika Timur, Iraq, Mesir, Asia Tengah, Fiji, Afghanistan, Bosnia, Kosovo, Serbia, Sri Lanka, Amerika Syarikat, Indonesia, Britain dan banyak lagi. Dua kumpulan terbesar adalah orang Punjab dan Iran. Tambahan pula, lebih dari seribu pelajar dari Arab Saudi datang ke Vancouver setiap tahun untuk belajar sebagai sebahagian daripada sebuah program biasiswa khas yang dilancarkan oleh kerajaan Saudi pada 2007. Semasa Ramadan, beratus daripada mereka akan berkumpul di masjid-masjid Vancouver untuk iftar, Tarawih (sembahyang tambahan yang dijalankan oleh Muslim pada waktu malam), dan untuk menyemarakkan lagi semangat Ramadan. Majoriti pelajar ini berumur dalam lingkungan 20-an dan untuk ramai, ini adalah pengalaman Ramadan pertama mereka dari keluarga.

Berjalan masuk sebuah masjid Vancouver adalah sedikit seperti memasuki sebuah forum Persatuan Bangsa-bangsa Bersatu. Adalah biasa untuk melihat Muslim dari berpuluhan negara berbeza bersembahyang bersama, selalunya dengan menggunakan Bahasa Inggeris sebagai satu-satunya bahasa pengantar.



Pintu Singa, Vancouver

TITIK-TITIK DOA:

- Berdoalah untuk komuniti Kristian untuk menunjukkan kasih sayang, belas kasihan dan pertolongan kepada mereka yang datang ke Vancouver sebagai pelarian dan pendatang.
- Berdoalah untuk komuniti Kristian supaya sanggup mencari hikmat dan pimpinan Allah untuk berinteraksi dengan Muslim.
- Berdoalah supaya Muslim generasi muda mencari Kristus dengan aktif dalam bandaraya dengan kepelbagaian ini.

Damasyik, Syria – Bandar Berlumuran Darah

Tahunnya 1974. Saya berasal dari Switzerland. Isteri saya berasal dari Pakistan. Kami bertemu di Beirut. Kami melawat tapak-tapak Alkitab yang kuno di Jordan, Lebanon dan Syria. Semasa di Damasyiklah mimpi ngeri itu tiba. Setiap inci tanah diselaputi darah dan berseru, “Berapa lama?” Empat tahun yang lalu, saya berkongsi perkara ini dengan saudara saya dari Syria. Dia berpendapat ini berkaitan dengan masa lampau, dan begitu juga saya. Maklumlah, Damasyik merupakan bandar berpenghuni tertua di dunia. Ia pernah melalui pencerobohan tanpa henti dengan semua kengerian yang turut serta. Kami tidak terfikir bahawa mimpi ngeri ini merupakan petanda hari-hari yang akan datang. Anggaran pada akhir 2012 menunjukkan lebih daripada 40,000 orang terkorban dalam krisis terkininya. Semalam, kami bertemu lagi. Agensi missinya memanggilnya untuk menggerakkan

doa bagi negaranya yang sedang berdarah. Dia mengingatkan saya kepada mimpi ngeri saya hampir 40 tahun yang lalu. Dia juga melaporkan bahawa beribu-ribu Kristian telah dijadikan target dan disembelih, diburu secara sengaja oleh kumpulan-kumpulan tertentu ‘Pejuang Kebebasan’: Wahabi, Al-Qaida dan yang lain dari negara asing. Pada masa yang sama, bapanya, seorang pastor di pusat bandar Damasyik, enggan meninggalkan dombanya; ajaibnya, Allah membuat karya baru. Kristian terpegun melihat gereja-gereja mereka dipenuhi orang asing – Muslim! Beratus wanita Muslim yang bertudung penuh bersama anak-anak dan kaum lelaki berpusu-pusu kepada Yesus. Betapa ironisnya Syria, yang bercampur tangan dalam hal jirannya, Lebanon, sehingga ke tahap menghasut supaya berlakunya pembunuhan, termasuk Kristian, patut menuai apa yang ditaburnya. Allah benar-

benar sedang menggoncang bangsa-bangsa. Bilakah akan tibanya pengakhiran kepada peperangan tanpa henti di Timur Tengah ini? Yesus adalah Raja Damai. Selagi ada orang yang menafikanNya, selagi itulah tiada damai. Tentunya Allah tidak bertanggungjawab untuk kekacauan manusia. Tetapi Dia tahu bagaimana untuk membuahkan kebaikan daripada kejahatan. Kita sedang melihatnya di Syria pada hari ini.

TTIK-TTIK DOA:

- Berdoa untuk kedatangan damai bersama kebebasan beragama dan pemerintah yang saksama.
- Untuk Kristian yang memilih untuk tinggal di Syria supaya dilindungi dan dipergunakan dengan ajaib dalam kesaksian mereka kepada jiran-jiran yang mencari cara hidup baru.
- Untuk Kristian yang tinggal di luar negara supaya berdoa dan membantu mereka yang menderita, serta mereka yang kini menjadi pelarian. (Matius 25:40 “...segala sesuatu yang kamu lakukan untuk salah seorang dari saudaraKu yang paling hina ini...”)



Muslim Sheikh Berbahasa Konkani

Terdapat lebih 200 juta Muslim Sheikh di seluruh dunia dan lebih dari satu pertiga daripada mereka tinggal di India. Ramai daripada yang selebihnya tinggal di Pakistan dan Bangladesh. Muslim Sheikh membentuk sebahagian besar populasi Muslim Suni di dataran Deccan, India Tengah. Konkani merupakan bahasa rasmi Negeri India Goa, dan dari apa yang ditunjukkan melalui kajian, Muslim Sheikh yang berbahasa Konkani tinggal di kawasan persisiran pantai di antara Mumbai dan Goa di Barat India. Jumlah populasi mereka adalah di sekitar 2 juta.

Istilah 'Sheikh' yang dulunya hanya digunakan untuk kaum yang berketurunan Arab tulen kini digunakan untuk bangsa-bangsa Islam tertentu di India tengah dan selatan yang keluar dari Hinduisme berkasta rendah tiga atau lebih generasi dahulu dan untuk mereka yang keluar dari kasta Hindu tinggi dan memeluk Islam di India Utara menerusi usaha mubaligh Sufi Islam.

Kadangkala komuniti Sheikh Islam sangat berbeza dibandingkan Muslim lain di sekeliling mereka, tetapi pada kebiasanya mereka akan bercampur gaul. Maka, membezakan di antara sub-kumpulan Sheikh boleh menjadi agak rumit,

tetapi perbezaan bahasa antara daerah membantu mengkategorikan mereka.

Hampir semua Sheikh merupakan Muslim Suni walaupun amalan mereka mungkin jauh dari yang tradisional. Secara keseluruhannya, Islam di India mempunyai unsur-unsur mistik. Pengangungan santos Muslim tempatan sangat biasa dan hiasan mewah pada kubur juga menarik orang Hindu, di mana sembahsan, mainan music kebaktian dan nyanyian di kubur santos menjadi kebiasaan. Satu semangat pengabdian sangatlah terasa. Banyak ajaran Sufi membawa kepada universalisme – satu erti di mana semua haluan agama akhirnya akan membawa kepada Allah.

Tiada Alkitab atau bahan bacaan berkaitan daam versi bahasa Konkani mereka, walaupun Alkitab bahasa Konkani tradisional boleh didapati. Ada juga yang berbahasa Urdu atau Hindi, dan Alkitab serta 'The Jesus Film' (Filem Yesus) boleh didapati dalam bahasa-bahasa tersebut.



TITIK-TITIK DOA:

- Berdoalah agar Allah akan menyediakan pekerja untuk pergi ke kampung-kampung nelayan untuk menyatakan Yesus di kalangan Sheikh berbahasa Konkani.
- Berdoalah untuk orang percaya yang baru, agar mereka boleh bertumbuh dalam anugerah dan pengetahuan Tuhan Yesus Kristus, dan agar mereka akan berani berkongsi iman mereka walaupun berdepan gangguan.
- Berdoalah agar orang percaya baru akan diperlengkapi untuk memuridkan orang dari kalangan komuniti Sheikh Konkani mereka.
- Berdoalah agar orang percaya tradisional yang ada akan mengalukan saudara-saudari dalam Kristus mereka yang baru dengan kasih dan tangan terbuka.

Berdoa Menentang Sekatan

Ramai Muslim tidak menolak Injil, mereka cuma tidak pernah mendengarnya.



Dalam Kegilaan Allah ("The Insanity of God"), Nik Ripkin membawakan cerita Pramana, seorang percaya berlatarbelakang Muslim. Sebelum datang kepada Kristus, Pramana merasakan hidupnya seperti kehancuran. Di atas arahan seorang imam tempatan, dia berpuasa dan berenung selama tiga hari demi mencari jawapan kepada masalahnya. Pada hari ketiga dia mendengar suara yang mengatakan kepadanya, "Cari Yesus, cari Injil." Sebagai seorang Muslim dalam negara Islam, Pramana tidak pernah mendengar mengenai

Yesus. Pada ketika ini, dia tidak tahu sama ada Yesus itu adalah buah batu atau pokok. Suara itu kemudiannya memberikan Pramana arahan terperinci tentang bagaimana mencari Yesus. Pramana terus berangkat, berjalan selama satu malam ke sebuah kota yang belum pernah dijejakinya, dengan mematuhi arahan suara itu. Perjalanan Pramana membawanya kepada kediaman satu daripada hanya tiga orang percaya dalam bangsanya yang terdiri daripada dua puluh empat juta orang. Lelaki itu telah berkongsi Injil dengan Pramana, dan Pramana menjadi pengikut Yesus pada hari itu juga.

Dalam Senarai Perhatian Dunia, yang menyenaraikan negara mengikut tahap penganiayaan yang dialami orang Kristian, menunjukkan negara-negara Islam mewakili 9 daripada 10 negara tertinggi. Malah, ada yang hampir tiada akses untuk mendengar mengenai Yesus.

Alkitab mengatakan yang 'barangsiapa yang berseru kepada nama Tuhan, akan diselamatkan. Tetapi bagaimana mereka dapat berseru kepada-Nya, jika mereka tidak percaya kepada Dia? Bagaimana mereka dapat percaya kepada Dia, jika mereka tidak mendengar tentang Dia?' (Roma 10:13 – 14). Roh Kudus dengan menakjubnya berkarya menjangkau Muslim dengan cara yang penuh mukjizat sebagaimana yang dilakukanNya untuk Pramana.

TIK-TIK DOA:

Namun, Muslim masih perlukan kebebasan untuk mempertimbangkan Yesus dengan sendirinya, dan itu termasuklah akses kepada Alkitab dan contoh-contoh saksi Kristian yang hidup. Kekangan yang dikenakan oleh kerajaan-kerajaan Islam dan oleh masyarakat perlulah dihentikan.

- Dapatkah anda bayangkan hidup tanpa akses kepada Yesus? Dapatkah anda bayangkan berjuta-juta orang Muslim yang akan menghadapi hidup yang kekal tanpa pernah mendengar Khabar Baik? Bayangkanlah dan berserulah kepada Allah supaya mereka mendapat akses kepada Yesus.
- Berdoalah supaya pintu Negara-negara Muslim yang tutup akan dibuka. Supaya sekatan kerajaan dan tekanan social akan berkurangan. Berdoalah untuk lebih akses kepada Alkitab supaya lebih ramai Muslim akan mendapat peluang untuk membaca firman dalam bahasa sendiri.
- Berdoalah supaya Allah terus menguatkan Kristian di negara-negara Muslim dan membolehkan mereka tetap tinggal dalam negara asal. (Matius 5:3-16)

Dialog Dengan Muslim

Allah tidak perlu menggunakan umatNya untuk menjangkau orang orang muslim, tapi dia menggunakan kita

Baru-baru ini sebuah kajian berdasarkan konteks Afrika Barat menunjukkan bahawa peratusan besar Muslim datang kepada Kristus melalui dialog secara terus dengan Kristian. Pecahannya adalah seperti berikut:

Dialog	80%
Kuasa Ghaib	60%
Membaca Alkitab	30%
Membaca Al-Qur'an	20%
Literasi	10%
Surat-Menyurat	2%
Audio-Visual	2%

Sebagai contoh dialog di bawah telah berlaku di sebuah pasar di Kinshasa, Kongo (disunting untuk dipendekkan).



Kristian: Hello, kawan!
Berapakah harga boubou
(kain Afrika barat) ini?

Muslim: (dengan pelat Afrika barat) Lima puluh Franc Congo.

Kristian: Mahalnya! Apa beza kain ini dengan yang lain di atas meja kamu? Kain importkah?

Muslim: Ya! Boubou berkualiti tinggi ini dibuat oleh tukang jahit Afrika Barat yang mahir.

Kristian: Adakah kamu datang dari Afrika Barat?

Muslim: Oh! Ya, saya berasal dari Mali dan kini telah menetap di Kinshasa selama dua tahun.

Kristian: Boleh saya bertanya sesuatu sebagai seorang Kristian yang tinggal di Afrika?

Muslim: Sudah tentu! Tetapi kamu perlu tahu bahawa saya ini Muslim.

Kristian: Saya sangat bimbang dengan keganasan ekstrem yang mencorakkan generasi kita dan juga dengan masalah genting di Afrika seperti perang saudara, tahap moral yang rendah, HIV, dll. Mengikut kamu, siapakah yang bertanggungjawab?

Muslim: Soalan ini sangat susah, tetapi pada

pendapat saya kami orang Afrika sendiri yang bertanggungjawab.

Kristian: Apa yang mendorong manusia untuk berkelakuan sedemikian atau untuk berdosa seperti itu?

Muslim: (setelah senyap seketika) Syaitan.

Kristian: Dengan penuh hormat terhadap kepercayaan agama kamu, bolehkah saya tahu apakah yang disyorkan Al-Qur'an kepada manusia untuk membantu kita mengalahkan Syaitan dan elak daripada melakukan dosa?

Muslim: Uuh!!! Secara jujurnyanya... Saya tiada jawapan kepada soalan ini.

Kristian: Tidakkah kamu secara peribadi inginkan kemuliaan dan untuk mengalahkan karya Syaitan dalam hidup kamu?

Muslim: Sememangnya ya, tetapi itu adalah masalah yang sangat besar dan susah!

Kristian: Betul kata kamu, kerana Alkitab dan Al-Qur'an mengesahkan bahawa dosa memang terdapat dalam sifat manusia sewaktu di bawah naungan Syaitan, tetapi ada penyelesaian untuk masalah ini!

Muslim: (dengan penuh harapan) Apakah penyelesaiannya?

Kristian: Kita menemui penyelesaian yang

dicatat dalam Hadis dan Al-Qur'an.

Muslim: Apa!! Benarkah ini?

Kristian: Muhammad, Nabi Islam, menyatakan bahawa setiap manusia (termasuk dirinya sendiri) mempunyai satu parut gigitan Syaitan (dosa) sejak lahir – semua orang kecuali Yesus, anak suci Maria (Surah 19:19) yang tidak berdosa semasa perjalanannya di bumi ini. Kerana Dia tiada dosa, hanya Yesuslah satu-satunya nabi dengan kuasa membebaskan manusia daripada beban (dosa) (Surah 39:7).



Lalu Kristian itu pun menerangkan firman Injil, dan Muslim dalam kisah benar ini menerima Kristus sebagai Tuhan dan Juruselamatnya. Walaupun Allah tidak perlu menggunakan pengikutNya untuk menjangkau bangsa Muslim, Dia tetap menggunakan kita, selalunya untuk berbual dengan penuh kasih sayang dengan yang hilang dan untuk berkongsi Khabar Baik dengan mereka.

Pemimpin PLO Yasser Arafat dan perdana menteri Israel Yitzhak Rabin berjabat tangan di Washington D.C. selepas menandatangani satu persetujuan damai.

Sebuah Doa untuk Betlehem

Mungkinkah Betlehem, tempat kelahiran Yesus, kekosongan Kristian yang beriman hidup? Situasi kini tidaklah seburuk itu, tetapi semakin menjurus ke arah itu. Populasi Kristian di wilayah-wilayah Palestin, termasuk Gaza, dianggarkan hanya lebih dari satu peratus. Bilangan lebih besar Kristian Palestin tinggal di negara asing. Tekanan hebat yang dialami Kristian yang tinggal di Tanah Suci menyebabkan ramai memilih untuk berpindah. Tekanan ini datang dari beberapa arah. Seorang pastor Kristian tempatan berkata: “Terdapat satu situasi politik. Sebagai Kristian, kami mahu tinggal di negara yang aman, tetapi di Timur Tengah keamanan itu tidak kelihatan; revolusi Musim Bunga Arab di negara-negara jiran tidak membina keyakinan untuk masa depan yang aman. Juga dari segi ekonomi, kami tiada harapan. Hampir 40 peratus Kristian Palestin menganggur kerana kekurangan pekerjaan. Dan mengikut kepentingan, Kristian merupakan minoriti yang amat kecil dalam masyarakat ini. Secara rohani, kami dikelilingi dua agama utama yang tidak mengiktiraf Yesus sebagai Kristus dan

Juruselamat. Dalam pandangan mereka, kami adalah ‘kafir’ dan oleh itu dipersendakan dan dijadikan sasaran cemuhan. Tambahan pula, gereja tempatan amat tertekandan kecewa kerana terasa terabai oleh Gereja seluruh dunia.” Tetapi masih terdapat harapan. Terdapat gereja-gereja dan program Kristian yang lain yang sedang bergiat aktif di wilayah-wilayah Palestin. Anda boleh berkerja secara terbuka di kalangan Kristian tradisional. Tetapi berkerja di kalangan Muslim lebih mencabar, dan Gereja perlu bertindak dengan bijak. Walaubagaimanapun, masih terdapat orang yang datang kepada iman yang hidup dalam Yesus. Sebuah gereja evangelis di Betlehem telah berkembang dari lima ke 56 keluarga. Gembala mereka menyatakan, “Kami telah melihat dan boleh bersaksi bahawa Allah ada menyelamatkan orang di sini dan mukjizat masih terjadi hari ini.”

*“Terima kasih kerana doa-doa anda. Kami masih menunggu untuk melihat tuaian yang ketara, tetapi ramai di antara kami merasakan ianya akan tiba tidak lama lagi.”
(Rakan sekerja tempatan 30 Hari)*



TITIK-TITIK DOA:

- Agar Allah akan menghiburkan Kristian di wilayah-wilayah Palestin supaya menjadi garam dan terang di persekitaran mereka.
- Untuk perlindungan Allah bagi mereka yang telah datang kepada iman dalam Kristus dari latar belakang Muslim.
- Untuk hikmat bagi pastor-pastor yang mendidik orang percaya dari latar belakang tersebut dan untuk Tubuh Yesus sedunia mencari jalan menghiburkan mereka.

Di bawah pakaian: Islam Rakyat menyemarakkan ketakutan



Bilal terbangun sambil mengigil ketakutan. Ini telah berlaku kepadanya selama beberapa minggu. Dia melihat satu peperangan di dunia rohani dan yakin ianya satu malapetaka besar kepadanya. Dia tidak dapat menumpukan perhatian kepada kerjanya dan selalu berkasar dengan kawan dan keluarganya. Kerana tidak dapat bertahan lagi, dia berjumpa seorang sheik, seorang ulama yang telah menunaikan haj di Mekah. Setelah menerangkan banyak pandangan mistik, pemimpin rohani ini memberikan Bilal seutas benang putih untuk dipakai di pergelangan tangan. Dia juga

ada azimat yang disertakan dengan bantalnya pada waktu malam. Islam rakyat menggabungkan amalan animistic dengan Islam sebenar. Ramai Muslim mengamalkan satu bentuk Islam rakyat. Mereka selalu teramat takut akan roh dan mengamalkan upacara untuk menenangkan roh-roh ini. Satu upacara Indonesia yang biasa melibatkan penyembelihan ayam sebelum pembinaan sebuah rumah. Kepala, kaki dan kepak ayam itu akan ditanam di bawah batu dasar. Darah ayam itu kemudiannya dilumurkan di atas batu-batunya dan sekeping duit syiling diletakkan di bawah setiap batu penjuru. Setelah semua ini siap dilakukan, rumah itu bolehlah dibina. Satu lagi aspek Islam rakyat adalah untuk menziarahi tempat-tempat berkuasa. Ini selalunya termasuk makam di mana penziarah akan melakukan upacara, berzikir dengan menggunakan ayat-ayat Al-Quran, dan menyebut nama si mati. Mereka akan membawa air dan meletakkannya di tepi kubur. Kemudian, mereka akan menabur kelopak bunga di pintu makam itu. Mereka percaya air dan kelopak itu akan telah menyerap berkat dari santos itu, dan akan membawanya pulang. Sekiranya orang itu sakit, dia akan minum air itu untuk

sembuh. Kelopak bunga itu akan diletakkan ke dalam air mandi untuk menyucikan jiwa. Bilal masih terus mengalami mimpi ngerinya meskipun berusaha mengatasinya. Akhirnya dia ke sebuah gereja Kristian di mana dia telah menerima Kristus. Diatelah mengambil masa yang agak lama untuk dipulihkan dari pengalamannya dan hari ini, dia mengajar tentang Islam Rakyat dan bersaksi akan kebebasan yang dia akhirnya terima.

TITIK-TITIK DOA:

- Muslim dibebaskan dari kuasa benteng-benteng ini ada ke atas mereka. (Matius 8:16; 10:1, Markus 5:2-13, Kisah Para Rasul 16:16-18).
- Orang yang datang kepada Mesias, akan terbuka tentang penglibatan mereka dengan dunia roh dan membuang segala sesuatu dari hidup lama mereka.
- Pekerja Kristian supaya 'bercahaya seperti bintang-bintang di dunia' sambil mereka bersaksi kepada mereka yang tinggal dalam kegelapan (Filipi 2:15)

Cina Hui Mimpikan Yesus

Saya bertemu Halid 4 tahun yang lalu dan tahu sejak perjumpaan kami yang pertama bahawa Allah akan menggunakannya dalam cara yang istimewa di kalangan kaumnya.

Satu malam semasa Ramadan, Halid berkongsi mimpinya dengan saya. Katanya, “Dalam mimpi saya, seorang lelaki telah datang kepada saya dan memegang tangan saya. Saya tidak mengenal siapa lelaki ini tetapi saya tahu dia baik. Dia memimpin saya

naik sebuah bukit, tetapi saya melepaskan tangannya kerana kepenatan. Dia menunggu dengan sabar sambil saya berehat, dan sekali lagi, setelah dia memegang tangan saya, kami menaiki bukit itu. Apabila tiba di puncak sekali lagi saya cuba melepaskan tangannya kerana

kami telah sampai ke destinasi kami. Tetapi dia, dengan lembut tetapi tegas, memegang erat tangan saya supaya saya tidak dapat melepaskan diri daripadanya. Pada ketika itu saya terbangun.”

Halid berkongsi mimpinya dengan seorang kawan (yang juga Muslim) dengan harapan untuk mendapat pengertiannya. Kawannya berkata, “Halid, lelaki dalam mimpi kamu itu adalah Yesus Mesias.” Halid masih ingat, “Sebaik sahaja saya mendengar kata-kata itu, saya tahu ianya benar dan Allah sedang memberitahu saya bahawa telah tiba masanya untuk mengikut Yesus. Dia menunjukkan saya bahawa Dia sentiasa menunggu untuk memegang tangan saya, walaupun saya cuba menjauhkan diri daripadanya. Kini saya mengerti bahawa saya memang sentiasa memerlukanNya dan walaupun saya menolaknya Dia masih tetap di sisi saya. Saya tidak faham kasih sebegini tetapi saya tahu saya memerlukanNya dan suka akannya.” Halid mula membaca Alkitab dan kini berkongsi

berita baik ini dalam komunitinya.

Walaupun Allah sedang bekerja dengan ajaib di kalangan Hui di China, ramai daripada lebih 10 juta Hui masih tinggal dalam sebuah dunia yang tidak sedar akan kasih hebat yang kini dialami Halid. Ramai masih hidup dalam ketakutan dan walaupun mereka ada kerinduan sebenar untuk mengenal dan mematuhi Allah, mereka tidak mengerti bagaimana untuk melakukannya.

TITIK-TITIK DOA:

- Minta supaya Yesus akan menyatakan diriNya kepada Hui dengan cara yang luarbiasa (Kisah Para Rasul 2:17)
- Berdoa agar ketakutan yang dirasai Kristian Cina terhadap Hui akan digantikan dengan kasih (1 Yohanes 4:18).
- Berdoa agar Hui yang telah pun mengikut Yesus akan memperolehi hikmat dan keberanian untuk berkongsiNya dengan keluarga dan kawan-kawan. (Efesus 6:18-20).



Gerbang ke Afrika: Afrika Selatan Menyesuaikan Diri

Populasi Muslim di Afrika Selatan kini dalam lingkungan 600,000 dan 800,000, dan walaupun itu kurang daripada dua peratus populasinya, perkembangan dan pengaruh Islam di negara itu membawa cabaran dan peluang.

Islam mempunyai pengaruh yang besar di atas kaum-kaum tertentu di Afrika Selatan. Salah satu kaum itu adalah banduan penjara. Banduan mencari kemaafan dan pelepasan dari rasa bersalah dan terbuka kepada mana-mana mesej harapan. Di mana firman Kristus tidak diberitakan, sesuatu yang lain akan mengambil tempatnya.

Islam juga menarik kepada orang kulit hitam Afrika Selatan yang miskin dan dari luar bandar. Kristianiti kadangkala dianggap agama 'putih'. Islam membawa pendidikan dan makanan kepada yang miskin tegar dan secara semulajadinya membina reputasi yang baik di mana pertolongan sebegitu amat diperlukan.

Terdapat satu firman antara-iman yang kuat di Afrika Selatan. Sebahagian ini disebabkan oleh sejarah dan cuba memenuhi ruangan yang diwujudkan oleh apartheid dan perpecahan yang lampau. Maka apabila orang mendengar hujah

teologi tentang 'kesatuan' dan melayani pencipta yang sama, pintu kepada Islam selalunya terbuka dengan laju.

Islam kini sedang berkembang lebih laju dari Kristian di Afrika Selatan dan walaupun ini adalah berdasarkan perkembangan dari segi peratus, ianya patut mencabar gereja. Untuk memberi tindak balas berdasarkan Alkitab terhadap Islam dan terhadap menjangkau yang miskin, gereja akan diminta untuk banyak lagi berkerja dan banyak lagi bertaruh.



TITIK-TITIK DOA:

- Berdoalah untuk mereka yang sedang aktif menjangkau Muslim di Afrika Selatan. Berdoalah agar mereka sensitive terhadap budaya Islam dan amalan keagamaan semasa Ramadan tanpa berkompromi kebenaran mengenai Yesus Kristus.
- Berdoalah untuk pertambahan bilangan paderi Kristian di penjara-penjara Afrika Selatan. Semasa Ramadan pelayanan penjara tertumpu kepada satu fokus iaitu peluang untuk menghapuskan dosa hadapan Allah dan ini menyebabkan ramai berkeputusan untuk memeluk Islam.

- Hampir semua yang tinggal di kem setinggan memilih Islam sebagai cara menerima makanan. Berdoalah agar yang miskin ini akan menerima Yesus, bukan kerana makanan yang mungkin diterima mereka tetapi sebab mereka mahu hidup yang baru dalam Kristus.
- Berdoalah untuk pastor-pastor luar bandar yang tidak terlatih supaya memiliki iman yang teguh.

Ke manaboleh mereka pergi ? Buruh Indonesia di Taiwan

Hari Ahad, 19 Ogos, 2012 menandakan hari Aidil Fitri, penamat kepada bulan Ramadan. Ia telah bermula sebagai satu hari yang gembira bagi lebih sepuluh ribu buruh Indonesia yang berkumpul di Stesen Keretapi Utama Taipei. Mereka berpusu



ke lobi, satu tempat di mana mereka dapat duduk dan berjumpa rakan-rakan untuk merayakan sambutan Muslim yang penting ini. Perhimpunan sehari yang besar ini dengan tidak sengaja merencat pergerakan biasa stesen itu.

Setelah menerima aduan penumpang, Stesen Keretapi Taipei mula menutup sebahagian besar lobi utamanya pada hari minggu. Itu telah menyebabkan satu reaksi marah dari sesetengah pekerja asing Indonesia. Jadi pada 12

September, hampir 50 orang pekerja berprotes di hadapan Stesen itu. Dengan memegang tanda-tanda 'anti-perkauman' mereka menuntut hak untuk berkumpul di tempat awam sambil berlaung, "Kami mahu tempat untuk masa lapang!" Kemudian mereka masuk ke stesen dan duduk di atas lantai lobi utama. Pekerja asing selalu kelihatan berkumpul pada hujung minggu di Taipei dan dibandar-bandar seperti Taiyuan dan Taichung. Mereka duduk berkumpul di stesen, taman dan juga di sesetengah tepi susur jalan. Perhimpunan mereka menyebabkan orang berkerut dahi, tetapi jarangada yang mencari solusi untuk mereka secara serius.

Kini, pekerja Indonesia adalah di antara pekerja domestik yang paling umum di Taiwan dan di Hong Kong (HK). Mengikut statistik September 2012, mereka berjumlah 155,000 di Taiwan dan 151,000 di HK.

Beberapa gereja HK menjaga dan melayan mereka yang dikatakan TKI (Tenaga Kerja Indonesia). Mereka mendirikan pusat jagaan yang menyediakan pendidikan bahasa dan computer, pengajian internet dan program

TIK-TIK DOA:

sosial. Prasarana sokongan Kristian di HK yang lain termasuk pusat penyembahan/persekutuan dan rumah tumpangan TKI. Di Taiwan, hanya beberapa gereja dan organisasi Kristian yang menjangkau pekerja Indonesia.

- Berdoalah agar gereja di Taiwan boleh memulakan pusat TKI seperti yang ada di HK.
- Berdoalah agar gereja dan Kristian di Taiwan akan memiliki visi mengikut kerajaan Allah dan belajar tentang budaya pekerja dometik jangka panjang mereka dan menjangkau mereka dengan kasih
- Berdoalah agar gereja bekerjasama dengan agensi-agensinya untuk mendirikan strategi bagi membantu dan menjaga buruh asing, serta memberitakan dan mendidik mereka.
- Berdoalah agar pekerja asing Indonesia akan membuka hati mereka kepada Kristus.

Lahirkan Sebagai Muslim: Peganglah Tangan Kanak-kanak

Tahun lepas, satu daripada tujuh kanak-kanak di kawasan sub-Sahara Afrika mati sebelum hari jadi ke-lima. Dari mereka yang hidup, hanya 65 peratus yang dapat peluang ke sekolah, namun hanya segelintir sahaja yang berjaya.

Sebahagian besar kanak-kanak Muslim dilahirkan dalam kemiskinan tegar. Ada yang dipaksa mengemis untuk hidup, ramai yang didera dan terjerumus dalam pengedaran dadah atau pelacuran, ada yang menyertai geng atau tentera pemberontak atau kumpulan pegganas.

Walau ramai umat Allah penuh dengan belas kasihan untuk kanak-kanak muda dan sedang membuat pekerjaan baik di pusat perlindungan jalanan, rumah anak yatim dan dengan membantu memberi makanan dan pendidikan kepada kanak-kanak, masih banyak lagi yang perlu dilakukan. Lebih dari satu per empat daripada 2.4 bilion kanak-kanak sedunia tinggal di negara Islam. Itu dianggarkan 600 juta kanak-kanak. Kanak-

kanak merupakan lebih dari 40 peratus populasi Muslim sedunia. Terdapat segelintir kanak-kanak yang tinggal di negara Islam yang merupakan di antara yang paling bertuah di dunia tetapi sebahagian besar merupakan yang termiskin dan terpinggir, dinafikan hak asasi untuk kesihatan, pendidikan dan perlindungan. Mengikut terbitan Unicef, “4.3 juta kanak-kanak di negara Islam mati setiap tahun, berjuta tidak menghadiri sekolah rendah dan – di sesetengah negara – satu daripada enam wanita meninggal ketika melahirkan anak.” Itu keperluan yang sangat besar.

Terdapat sebuah cerita tentang suami isteri yang berjalan merentasi padang rumput tinggi di Afrika. Kedua-dua mereka memegang salah satu tangan anak mereka, tetapi bila mereka keluar dari rumput itu mereka dapati kedua-dua mereka telah melepaskan tangan kerana berfikir pasangan mereka

masih memegang anak mereka. Mereka mencari budak itu dengan cemas dan memanggil penduduk kampung tempatan untuk membantu. Setelah tiga jam ayahnya berkata, “Marilah kita berpegangan tangan sambil mencarinya dalam rumput.” Mereka berbuat demikian dan akhirnya menjumpai kanak-kanak itu, tetapi telah terlambat. Dengan penuh kesedihan ayahnya menjerit – kalaulah kami bergandingan tangan lebih awal, kami mungkin dapat menyelamatkannya.

TITIK-TITIK DOA:

- Marilah berdoa bersama agar lebih ramai orang akan bertindak balas terhadap keperluan untuk berganding tangan dan menjangkau kanak-kanak dengan firman Injil dengan perkataan dan perbuatan (Ratapan 2:19)
- Marilah bergandingan tangan untuk perlindungan dan kemurahan Allah terhadap kanak-kanak di negara Muslim (Amsal 22:6)
- Marilah berdoa bersama agar Allah menunjukkan kepada anda bagaimana anda boleh turut terlibat membantu kanak-kanak Muslim yang dalam keperluan (Matius 28:19)



Jalan Pendidikan Wanita yang penuh halangan

Pendidikan wanita Muslim telah pasang surut merentasi dua puluh tahun yang lalu dan, walaupun mengecewakan, langkah-langkah mengundur itu tidak menjejaskan langkah-langkah ke hadapan. Ianya juga susah untuk menilai pendidikan wanita Muslim, kerana ia sangat berbeza dari satu kawasan dari yang lain dan dari satu keluarga dari yang lain.

Kebangkitan Taliban pada tahun 1990-antelah membawa kepada hakisan hak pendidikan wanita. Di Afghanistan dan Pakistan, Taliban memaksa wanita profesional untuk melepaskan kerjaya mereka. Gadis-gadis dilarang menghadiri sekolah. Satu fatwa diisytiharkan di mana gadis-gadis Muslim tidak perlu belajar menulis – membaca itu lebih daripada mencukupi.

Dan pada September 2006, UNESCO merekodkan statistik yang mengejutkan dalam kajian mereka tentang Kadar Celik Huruf dan Populasi Buta Huruf Mengikut Negara/Jantina. Di Mesir, hanya 59.4% wanita dianggap celik huruf, dan bilangannya semakin menurun apabila mengikuti senarai seterusnya negara-negara Timur Tengah: Maghribi,

Pakistan, Afghanistan, Yemen. UNESCO melaporkan bahawa di sesetengah tempat, jurang antara lelaki dan wanita celik huruf adalah setinggi 90%.

Namun, masa kini tidaklah begitu gelap. Pelajar university di Iraq dan Emiriah Arab Bersatu kebanyakannya merupakan mahasiswi. Di negara Muslim seperti Turki, Malaysia dan Indonesia, pendidikan wanita hampir jarang menjadi isu, jika ada. Namun, pergelutan ini masih berlangsung di sesetengah negara. Baru-baru ini Iran telah melarang wanitanya darimengambil lebih 70 kursus sarjana muda.


Walaubagaimanapun, ramai Muslim sedang berusaha untuk masa depan yang lebih cerah. Neelofer Haram menulis, “Melainkan pemimpin masyarakat dan pembuah pendapat moden memberikan perhatian terhadap masalah ini, sudah tentu akan ada banyak kekecewaan dan kesakitan sosial menunggu semua orang. Kerana, jika ibu, anak perempuan dan kakak ketinggalan, bolehkah bapa, anak lelaki dan abang maju ke depan?”

TITIK-TITIK DOA:

- Usaha untuk membina sekolah untuk gadis-gadis di Afghanistan dan Pakistan. Berdoalah untuk perlindungan bagi gadis-gadis yang bersekolah di lokasi di mana mereka boleh diganggu atau diugut kerana berbuat demikian.
- Mereka yang membela pendidikan wanita di negara Muslim, untuk perlindungan, keberanian dan peluang.

“Saya juga tahu apabila peperangan ini tamat, Afghanistan akan memerlukan kamu seperti ia memerlukan kaum lakinya. Kerana sesebuah masyarakat tidak mempunyai peluang untuk berjaya sekira wanitanya tidak berpendidikan, Laila. Tiada peluang.”

– Kaled Hosseini, Seribu Suria Indah



Ketakutan Pelampau Militan: Kawasan Chitral Pakistan

Chitral adalah sebuah lembah gunung di barat laut Pakistan yang juga dipanggil sebagai ‘Eldorada kepada pakar bahasa.’ Hampir dua belas bahasa digunakan di sana! Khowar, atau ‘bahasa orang Kho’, adalah bahasa utama dengan 300,000 orang pengguna.

Chitral terletak di antara dua puncak gunung Hindu Kush dan Hindu Raj. Pada musim sejuk, laluan gunung disekat timbunan salji. Ramai telah



kehilangan nyawa ketika cuba merentasi laluan gunung yang disekat salji ini, dan akhirnya sebuah terowong telah dibina yang memudahkan akses kepada lembah ini. Jika anda mampu membuat perjalanan itu, anda akan disambut orang-orang di situ yang mesra, juga terkenal kerana mencintai

kedamaian. Walaupun terdapat daerah di Pakistan yang diperintah pelampau militan, daerah ini telah terlindung daripada keganasan sebegitu untuk tempoh yang panjang. Namun, terdapat satu rasa tidak senang di lembah ini kerana bimbang keadaan akan berubah.

Perpaduan

Di bahagian dunia yang begitu sukar tidak hairanlah orangnya miskin dan menganggur. Ada di antara kaum lelaki yang tinggal dan berkerja sebagai pekerja asing di negeri-negeri Teluk yang kaya minyak. Selalunya lelaki itu bertanggungjawab ke atas ibu, nenek, isteri, ipar perempuan dan anak buahnya. Mereka mengirimi pulang wang untuk keluarga. Sokongan bersama adalah penting untuk terus hidup. Seseorang individu yang keseorangan akan terhilang di kawasan pergunungan ini walaupun penuh dengan keindahan, ianya amat sukar dan kasar.

Adakah pengikut-pengikut Yesus di situ. Mustahilkah untuk Allah mendirikan gerejaNya di situ? FirmanNya belum diterjemahkan ke dalam Khowar. Terdapat keperluan yang teramat besar di lembah Chitral.

TITIK-TITIK DOA:

- Berdoalah untuk mimpi dan penglihatan tentang Yesus. (Kisah Para Rasul 2:17)
- Perlindungan ke atas lembah itu daripada serangan pelampau militan. (Mazmur 121:1-2)
- Penterjemahan Firman kepada Khowar.
- Lebih ramai orang percaya tempatan dan asing sanggup berkerja di Chitral. (Yohanes 3:34 “Sebab siapa yang diutus Allah, Dialah yang menyampaikan firman Allah, karena Allah mengaruniakan Roh-Nya dengan tidak terbatas.”)

Tidak
Dijangkau

Memahami Republik Afrika Tengah (RAT)



Nota: kepercayaan dan amalan animistik sangat mempengaruhi majority 'Kristian'

Kemiskinan Tegar di RAT

Ubangi -Shari yang dulunya merupakan tanah jajahan Perancis menjadi Republik Afrika Tengah ketika merdeka pada 1960. Setelah tiga dekad pemerintahan buruk – selalunya oleh kerajaan tentera – sebuah kerajaan orang awam telah didirikan pada 1993. Seperti yang dinyatakan oleh namanya, Republik Afrika Tengah (RAT) adalah sebuah negara yang terletak di tengah-tengah Afrika secara geografi. Ia mempunyai iklim yang pelbagai dan bentuk muka bumi yang indah, dari hutan hujan khatulistiwa di selatan sehingga kawasan Sahali sub-Sahara di utara.

Walaupun RAT memiliki banyak sumber asli termasuk permata, emas, uranium dan kayu, ia masih merupakan antara negara termiskin di dunia.

Ia menderita kerana dilingkungi daratan dan agak terpencil di Afrika Tengah. Ini telah membawa kepada pergantungan kepada negara jiran yang ketara dan kos kehidupan yang agak tinggi. Masalah politik dan salah pengurusan telah membawa kepada mogok dan ketegangan politik dalam beberapa tahun ini.

Masalah ekonomi semasa menjadi punca perkembangan Islam di RAT.

Perniagaan-perniagaan dimiliki pendatang Muslim Lebanon, Arab, Haussa, Senegal, Mali dan Chad. Beberapa negara Arab sedang, dengan terbuka, melipat gandakan hadiah dan pelaburan mereka di RAT dengan tujuan menggalakkan pernyataan Islam.

Tidak Dijangkau

Runga, suatu suku kaum Muslim yang tinggal di utara (populasi 37,000) tidak terjangkau dan sangat terpencil daripada orang Kristian. RAT juga mempunyai populasi pendatang Arab yang kebanyakannya tidak tersentuh oleh injil. Walaupun Islam telah maju di RAT baru-baru

ini, Allah juga sedang berkerja. Baru-baru ini seorang Muslim Fulani yang berpengaruh, yang telah menunaikan dua haj ke Mekah, telah berpaling kepada Kristus dan berpegang kepada kesaksian Kristiannya di muka tekanan yang ketara. Sesuatu yang patut diberi perhatian ialah, pertaubatannya telah berlaku semasa bulan Ramadan.

TITIK-TITIK DOA:

- Bersyukur kepada Allah untuk kedamaian yang masih berpanjangan di negara ini meskipun terapat ketegangan sosial dan ekonomi. Berdoa semoga damai ini berkekalan.
- Berdoa semoga Kristian akan makmur dalam perniagaan sambil tetap setia kepada Tuhan. Ramai orang tertarik kepada Islam melalui kemakmuran orang Muslim (Amsal 13:7)
- Berdoa semoga program latihan diadakan supaya Kristian akan tahu bagaimana untuk menyatakan Injil kepada Muslim (Roma 10:15).

Layanan Mesra Membuka Hati dan Rumah



Jack melarikan diri. Seorang saudara memaklumkan bahawa dia akan diracun. Bapa Jack – seorang ulama Muslim – telah mendapat tahu yang anak lelakinya yang berumur 17 tahun telah menjadi seorang pengikut Yesus. Beberapa tahun kemudian Jack tiba di Kanada untuk menyambung pengajian teologi. Kesepian yang teramat sangat serta kesusahan sebagai seorang pendatang ke negara asing tanpa keluarga di sampingnya menghantuinya.

Peperangan, konflik etnik, penganiayaan keagamaan, bencana alam serta keinginan untuk kebebasan dan peluang merupakan di antara

sebab mengapa orang berhijrah ke Amerika Utara. Bagaimanakah pendatang baru ini yang tiada persediaan menyesuaikan diri di tanah asing, di mana mereka kurang dialukan?

Pada 2008 suatu pusat pendatang baru (yang disertai Jack) dibuka di Kanada. Tujuannya untuk mengalukan Muslim dan memberikan mereka pertolongan praktikal di negara baru mereka. Persahabatan terjalin apabila pendatang baru ini mendapat bantuan membina rumah, belajar Bahasa Inggeris, menerima bantuan asuhan kanak-kanak, tuisyen mahupun pertolongan dengan kerja sekolah.

Perhubungan tulus dari hati terjalin apabila Muslim ini mula mengeratkan hubungan dengan rakan-rakan Kristian yang baru. Ada yang telah menjadi pengikut Isa Al-Masih (Yesus Mesias). Ada pula yang sedang dalam perjalanan ke arah Raja Damai. Benih Injil sedang ditanam sambil pasukan antarabangsa melayani mereka.

San sedang berlatih menjadi seorang ulama Muslim. Pada umur 22 dia menjadi pengikut Yesus. Ibunya menganggap dia mati, malah menguburkannya! Kini San merupakan seorang ahli pasukan antarabangsa yang berkerja dengan

pendatang baru. Ramai orang yang San temui di Pusat itu datang dari negara asalnya. Ajaibnya, ramai yang berasal dari suku kaumnya sendiri. Kini ibunya, yang masih tinggal di Afrika, bangga kerana anaknya membantu kaumnya untuk hidup di negara yang asing.

TITIK-TITIK DOA:

- Muslim yang telah berpindah biasanya datang dengan tidak bersedia untuk menghadapi orang, budaya dan bahasa yang baru. Berdoalah agar Kristian yang matang akan datang ke sisi mereka untuk menjadi kawan dan keluarga baru mereka.
- Berdoalah agar Allah akan mengarahkan orang percaya untuk bertemu orang damai (Lukas 10), dan seterusnya menjadi alat untuk memperkenalkan Muslim kepada Raja Damai.
- Ramai Muslim di Amerika Utara terkejut apabila orang Barat menyapa mereka dengan "Hi." Namun selalunya ia hanya mengambil satu "Hi" untuk memulakan suatu persahabatan seumur hidup. Cubalah!

"Blackhawk Down": Tentera US membuat operasi di Mogadishu. 22 askar US mati dan lebih 1000 orang Somali terbunuh.

Pelarian Teraniaya di Kem Terbesar Dunia

Ha rajo dhigin! — "Jangan berputus asa."

Angin gurun yang panas menggoncang khemah pelarian di kem UNHCR Kenya Dadaab. Khadija mencari perlindungan di sana bersama setengah juta yang lain dari Somalia. Setelah 20 tahun penderitaan disebabkan perang saudara, Khadija mengambil anak-anaknya dan melarikan diri. Dia tidak pergi jauh. Seperti ramai yang lain, dia juga, sekarang seorang pelarian, ditempatkan di kem ini. Mereka tidak boleh pulang ke rumah di mana peperangan masih berlangsung, dan mereka tidak dapat meneruskan perjalanan kerana tidak banyak negara yang mengalukan kedatangan mereka. Dadaab masih merupakan kem pelarian UNHCR terbesar di dunia. Sebuah generasi telahpun dilahirkan dan dibesarkan di Dadaab dengan hanya mengenal hidup sukar seorang pelarian. Keselamatan merupakan isu besar di kem itu. Militia Al-Shabaab suka menabur ketakutan dan menyukarkan hidup – termasuk di dalam kem itu. Wanita dirogol, kanak-kanak lelaki dipaksa sertai dan berjuang demi Al-Shabaab, pembantu UN diculik, kenderaan diletup dengan periuk api dan mereka sentiasa hidup dalam keadaan serba

kekurangan.

Tiada yang dapat melindunginya

Di sana sini anda akan menjumpai Kristian di kalangan Somali di kem itu; Khadija adalah salah seorang. Namun, ianya bukan mudah. Ramai rakan Kristiannya telah dibunuh Al-Shabaab. Mereka dengan mudah mengelar leher sesiapa yang dijumpai dengan Alkitab atau menghadiri gereja bawah tanah. Akhirnya Khadija terpaksa lari dari kem pelarian itu kerana penganiayaan oleh Muslim fundamentalis yang berpegang kepada perundangan syariah yang ketat; pihak berkuasa tempatan tidak dapat melindunginya. Sebaik sahaja dia meninggalkan Dadaab, Khadija dan anak-anak mereka bersendirian. Dia hampir tidak dapat sampai ke Nairobi.

Kami mencari campur tangan Allah untuk Somalia. Semoga Dia memberikan damai kepada negara menderita ini! Semoga akan tiba masa apabila ramai orang Somali menyerahkan jiwa mereka ke dalam tangan Yesus Kristus, Tuhan dan Juruselamat kita, yang penuh kasih sayang!

TITIK-TITIK DOA:

- Berdoalah untuk keterbukaan terhadap Injil dan supaya orang percaya boleh bertemu di Dadaab dan di Somalia dalam keadaan damai.
- Berdoalah agar orang percaya boleh bertambah kuat secara rohani; hanya mereka yang berdiri teguh dalam iman mampu menangani tekanan penganiayaan dan pemencilan.
- Berdoalah untuk kerja penginjilan melalui kenalan peribadi, tetapi juga melalui radio, penulisan dan internet.
- *Ha rajo dhigin! — "Jangan berputus asa!"*

Kesaksian

Duta Kedamaian dalam Dunia Islam

“Sebagai seorang Muslim saya benar-benar ingin mengenal Allah. Dalam Yesus saya menemui Allah sebagai bapa syurga yang penuh kasih sayang. Saya menginginkan kepastian yang dosa saya telah dimaafkan. Saya teringin jaminan keselamatan abadi dan kini dalam Yesus saya tahu syurgalah takdir saya. Saya bersyukur kerana cara-cara Islam telah menyediakan saya untuk mendengar tentang Kristus dan mempercayaiNya.”

Jika Jika terdapat sukacita di syurga kerana satu orang berdosa yang bertaubat, syurga tentunya bersorak kegembiraan kerana seorang Muslim Somali telah pulang! Ahmed Ali Haile (1953-2011) ialah salah seorang Somali yang setia dalam Yesus, Raja Damai, dari mula hingga ke akhir. Cerita hidupnya adalah satu kesaksian hebat tentang kuasa Kristus yang dapat menyembuhkan dalam negara gurun yang dicengkam peperangan itu. Setelah memeluk kebenaran Alkitab dan berikrar untuk berjalan dengan Yesus dengan berani, serta pengajian Alkitab dan kedamaian di USA yang bertahun-tahun lamanya, dia pulang ke negaranya Somalia yang sedang menderita pada awal 1980-an.

Tidak lama kemudian Ahmed menjadi seorang pendamai yang berdedikasi di tengah-tengah pelbagai pihak berperang.

Satu serangan roket pada Januari 1992 di Mogadishu telah meragut sebelah kakinya, tetapi Allah dengan penuh ajaib menyelamatkan nyawanya. Untuk 20 tahun seterusnya, Ahmed menjadi seorang duta kedamaian global yang berlari dengan teguh dalam perlumbaan sambil melawan barah yang akhirnya membawanya ke garisan penamat. Kata-kata akhirnya membawa kita pulang ke cara hidup nomad dengan mana dia dibesarkan di Bulo Burte, di pedalaman Somalia di mana dia mula mengenal gereja sebagai pondok yang menyandarkan semua beratnya pada tiang pusatnya: “Doaku adalah supaya ceritaku akan memuliakan Tuhan Yesus Kristus yang merupakan Tiang Pusatku dan akan menjadi galakan kepada gereja yang merupakan kediamanku.”

** Dari Masa Minum Petang di Mogadishu – Perjalanan Saya sebagai seorang Duta Kedamaian di Dunia Islam Herald Press, 2011. www.heraldpress.com Digunakan dengan kebenaran.*

Apa itu Undang-Undang Syariah?

Memahami Dunia Moden Kita

Syariah merupakan perundangan, politik, teologi, kod ketenteraan dan sistem yang dihasilkan merentasi lebih satu milenium (selepas Muhammed). Ia merupakan 'jalan' untuk berjaya Muslim. Undang-undang syariah yang ketat dilaksanakan di lebih kurang 35 negara dan pada tahap lebih rendah di kebanyakan negara Muslim yang lain. Ia sedang diperkenalkan sebagai dwisistem di beberapa negara Barat khususnya apabila membabitkan perkara berkaitan keluarga Muslim. Kebanyakan Muslim tidak tahu banyak mengenai Syariah selain daripada peraturan keagamaan asas (doa, puasa, zakat, dan lain-lain).

Aplikasi Syariah

Syariah mengandungi kategori dan subjek perundangan Islam yang dipanggil bidang fikah (iaitu 'pengertian'). Ini termasuk penyembahan, perhubungan keluarga, pewarisan, perdagangan, perundangan harta, perundangan awam (tort),

perundangan jenayah, pentadbiran, pencukaian, perlembagaan, perhubungan antarabangsa, etika dan peperangan, dan bidang-bidang kecil lain. Pendek kata, ia merupakan satu cara hidup lengkap. Ia merangkumi semuanya dari perkara praktikal seperti peraturan pemakanan dan perbankan sehingga sistem kerajaan yang dipanggil Kalifah.

Tentunya berjuta Muslim di seluruh dunia tidak mengikut (dan selalunya tidak mengetahui pun) aspek Syariah yang lebih ketat. Walaupun ia merupakan asas kepada sistem perundangan dan politik untuk Muslim, Syariah pada hakikatnya dilaksanakan dengan cara dan pada tahap yang berbeza di sekeliling planet. Sumber utamanya adalah Al-Qur'an dan Sunah. Tapi, seperti sistem perundangan yang lain, ia terbuka kepada penterjemahan dan dibahas oleh ulama Muslim di semua tempat. Si satu sudut kita melihat contoh melampau implimentasi Syariah di negara seperti Afghanistan. Di sudut yang lain ulama Muslim menolak aspek kerasnya dengan berkata ia tidak

dapat bertahan di dunia globalisasi kita. Terdapat pemimpin Muslim yang mengkhutbahkan Syariah ketat namun kebanyakan orang Muslim takut akannya dan tidak mahu hidup di bawahnya.

Bagaimana Kristian Patut Respon?

Jangan bertindak balas terhadap laporan media. Kadang-kala kita membenarkan persepsi palsu dan kekurangan pemahaman kita untuk membawa kepada sikap yang salah, sikap tidak kisah dan permusuhan terhadap Muslim. Dan kita patut dapat mengenalpasti bahawa Roh Kudus sedang bergerak di hati Muslimin dan memberikan mereka kelaparan untuk memahami Kristianiti sebenar. Tuhan sedang berkerja di kalangan bangsa Muslim melalui kesaksian Kristian dan wahyu secara terus. Jadi, marilah kita berdoa bersungguh-sungguh dengan dedikasi untuk penerimaan injil Yesus Kristus oleh bangsa Muslim.

Sei Mempertahankan Diri Ghaib di Banten Indonesia

Pernahkah anda melihat orang berjalan di atas arang batu atau memukul diri dengan pisau atau paku tajam, tetapi tidak mencederakan diri? Itulah 'debus'. Satu seni mempertahankan diri, memampirkan kuasa. Upacara 'debus' kadang kala dipersembahkan di kenduri perkahwinan atau sambutan lain. Adalah dipercayai hanya Allah akan memberikan kuasa sebegitu kepada mereka yang suci. Ianya juga merupakan ciri utama orang Bantendi Indonesia. Hampir semua orang Bantendi pernah ada pengalaman dengan seni ini.

"Banten" mempunyai beberapa maksud. Ia adalah nama salah satu wilayah termuda di Indonesia yang ditubuhkan pada tahun 2000, dan menjadi kediaman lebih kurang 9 juta orang. Banten juga nama Kesultanan yang ditubuhkan pada 1526 melalui pewira Muslim yang telah menggunakan kuasa sihir yang datang dari Kesultanan Jawa Demak. Perkataan Banten juga bermaksudkan salah satu pelabuhan tertua di Indonesia yang dulunya dikenali kerana perdagangan rempah,

jauh sebelum Jakarta menjadi mahsyur. Di Banten Lama, orang masih boleh melawat peninggalan pelabuhan, istana dan menara Masjid Banten Lama. Banten juga satu bangsa di wilayah Banten, dan mereka tidak terjangkau!

Selain daripada amalan ghaib yang dinyatakan, Banten juga merupakan sarang fanatik Islam. Ramai orang utama kumpulan fanatik merupakan keluaran sekolah agama Banten. Terdapat hanya beberapa orang percaya di kawasan pedalaman Banten. Tetapi di wilayah Banten dalam lingkungan kawasan Jakarta, terdapat ramai Kristian. Namun, tidak ramai orang percaya mahupun gereja yang bergiat aktif menjangkau orang Banten, walaupun terdapat peningkatan minat baru-baru ini. Terdapat pintu-pintu terbuka melalui rancangan pendidikan dan kemajuan.

Debus adalah satu seni mempertahankan diri, memampirkan kuasa. Upacara 'debus' kadang kala dipersembahkan di kenduri perkahwinan atau sambutan lain. Adalah dipercayai hanya Allah akan memberikan kuasa sebegitu kepada mereka yang suci.

TIK-TIK DOA:

- Supaya orang Banten dibebaskan dari ilmu ghaib dan kebudakan keagamaan, dan akan terbuka kepada injil. (Yohanes 8:32 "Dan kamu akan mengetahui kebenaran, dan kebenaran itu akan memerdekakan kamu.")
- Orang percaya Indonesia akan berpaling kepada orang Banten dengan perhatian yang penuh kasih sayang, dan melayani mereka secara menyeluruh.
- Pekerja baru dipanggil secara khusus untuk hidup, melayani dan bersaksi di kalangan Banten. (Lukas 10:2 "Tuaian memang banyak, tetapi pekerja sedikit. Karena itu mintalah kepada Tuan yang mempunyai tuaian, supaya Ia mengirinkan pekerja-pekerja untuk tuaian itu.")

Tibalah masa itu lagi

Laylat al-Qadr — “Malam Kuasa”

Kami pernah meminta anda mendoakan perkara ini. Dan ya, kami akan terus menekankan perkara ini tahun ini. Ianya penting! Dan membawa perbezaan! Jadi di sini kami bergandingan tangan sekali lagi dan berdoa mengenai ‘Malam Kuasa’. Ingatlah yang ramai Muslim terbuka terhadap kuasa ghaib pada masa ini. Ada yang mengharapkan malaikat untuk menunaikan permintaan khas. Yang lain mengharapkan malaikat untuk membuat pengisytiharan untuk tahun akan datang. (Malam ini kadang-kala dikatakan sebagai ‘Malam Perintah’.) Ada Muslim yang akan mengambil cuti dari kerja supaya mereka boleh berdoa sepanjang malam. Wanita Muslim akan berharap supaya mengandung selepas berdoa pada malam ini. Ramai yang akan mengharapkan penyembuhan dan kuasa rohani.

Tetapi, penting sekali, ramai Muslim yang akan benar-benar mencari pertolongan dari Allah dan terbuka kepada jamahan dariNya. Selama bertahun-tahun kita pernah mendengar kesaksian hebat mengenai Muslim yang menemui Mesias, Yesus pada malam ini. Ada yang mengalami penglihatan atau mimpi, tetapi ramai yang telah mendapat peluang untuk mendengar Khabar Baik untuk kali pertamanya dari seorang rakan atau dari suatu program Kristian. Marilah kita percaya dan berdoa bersama-sama untuk Muslim yang ramai bilangannya yang sedang mencari keutuhan rohani dan kesatuan dengan Allah.

NOTA: Malam Kuasa berlangsung semasa 10 hari terakhir bulan Ramadan untuk kebanyakan Muslim. Ramai ulama percaya ianya adalah pada hari ke-27. Mengikut fasal 97 dalam Al-Qur'an, Muhammad menerima wahyunya yang pertama pada malam ini.

TITIK-TITIK DOA:

- Tuhan, kami mengingati mereka yang benar-benar mencari pertolonganMu. Semoga Tuhan memberikan pertolongan yang mereka perlu dalam suatu cara yang membolehkan mereka memahami yang ianya datang kepada mereka melalui Mesias, Yesus. (Mazmur 34:18, Zakaria 9:9)
- Berdoalah agar mereka yang berkerja di kalangan Muslim akan mendapat peluang istimewa untuk berkongsi Khabar Baik pada masa ini.
- Tuhan, kami tahu tanganMu tidak pendek sehinggata dapat menyelamatkan, ataupun telingaMu pekak sehingga tidak dapat mendengar. Hurlurkanlah tanganMu Tuhan dan dedahkan dosa dan keselamatanMu. (Yesaya 59:1, Yesaya 52:10).
- Berdoalah menentang kuasa kegelapan yang ingin membawa orang ke dalam penipuan. (Efesus 6:12, Mazmur 44:4-7)



Satu siri letupan bom yang difikirkan dilakukan oleh orang kumpulan gelap Muslim, menggoncang pusat perdagangan negara, Bombay (Mumbai) dan membunuh 260 orang.

Bekas Putera Muslim Menjadi Buruh

Muslim Deccan dulunya memerintah Dataran Deccan sejak abad ke-14. Kerajaan Deccan (atau Hyderabad) mempunyai status sebagai negeri diraja selama dua abad sehingga kerajaan India menamatkan pemerintahan Muslim (Dinasti Nizam) pada 1948. Orang Deccan yang dahulunya pemerintah diraja, pegawai dan pemilik hartanah kaya menjadi tukang besi, pekedai, tukang kayu dan pemandu teksi.

Sebilangan besar Muslim Deccan (hampir 2.5 juta) dijumpai di bandar metropolitan Hyderabad, ibu negeri Andhra

Pradesh. Hampir 95% mereka merupakan Suni dan 5% yang lain ialah Syiah yang kepercayaannya mempunyai pengaruh Sufi yang besar.

Orang Deccan merupakan salah satu bangsa mega paling tidak terjangkau di dunia. Akibat kehilangan sumber kekayaan, penghormatan dan kuasa, ramai Muslim Deccan hidup melarat dan kecewa. Mereka perlu penghiburan dan pengharapan, yang hanya datang melalui pemahaman Injil yang jelas. Mereka memerlukan doa anda!

Dalam dua dekad terakhir ini, sebagai hasil kerja beberapa agensi misi, terdapat beberapa orang percaya di kalangan orang Deccan. Namun, kerjanya lambat dan memenatkan. Tugasnya akan tetap sama sehingga gereja di India menggenggam visi dan beban untuk menjangkau bangsa ini.

TITIK-TITIK DOA:

- Muslim percaya Kitab-kitab Suci, maka berdoalah untuk pengagihan besar Alkitab. Hanya Firman Allah boleh memberikan mereka harapan. (Yohanes 1:14 "Firman itu telah menjadi manusia, dan diam di antara kita, dan kita telah melihat kemuliaan-Nya, yaitu kemuliaan yang diberikan kepada-Nya sebagai Anak Tunggal Bapa, penuh kasih karunia dan kebenaran.")
- Berdoalah untuk campur tangan luar biasa dari Allah, agar mereka mendapat mimpi dan penglihatan mengenai Yesus sebagai jalan, kebenaran dan hidup (Yohanes 14:6).
- Berdoalah supaya gereja terbeban dan mempunyai penglihatan untuk bangsa ini, supaya doa dan pekerja yang lebih banyak boleh digerakkan untuk kerja ini (Roma 10:14).
- Berdoalah khususnya untuk ahli kumpulan asasi Islam yang cuba menghalang usaha untuk menjangkau bangsa ini (Matius 5:44).
- Kerajaan pusat India memandang Hyderabad sebagai sangat sensitif. Keganasan boleh teretus di antara Muslim dan Hindu bila-bila sahaja. Berdoalah.



Memberitakan Khabar Baik di Sahel Soinke

Suku kaum Soinke hidup di bahagian barat Sahel, sebuah tanah gersang yang merentasi Afrika di selatan padang pasir Sahara. Suhu siang setinggi 45oC adalah biasa. Meskipun keadaan sukar, mereka dapat hidup dengan bercucuk tanam dan memelihara.

Orang Soinke secara umumnya hidup bersama sanak saudara di rumah ladang yang terdiri daripada beberapa rumah bata lumpur atau simen. Ramai kaum lelaki yang meninggalkan keluarga untuk ke pekan dan bandar kerana mencari kerja, dan selalunya mereka ke luar negara. Disebabkan ini, terdapat populasi besar orang Soinke di bandar seperti Paris dan New York. Mereka mengekalkan perhubungan kuat dengan komuniti di Afrika Barat dan sebahagian besar pendapatan mereka dihantar pulang untuk keluarga. Untuk orang Soinke, menjadi Muslim adalah perkara penting identity mereka sebagai suku kaum dan merupakan sesuatu yang dibanggakan. Rutin harian mereka berpusatkan azan lima kali sehari. Rasa malu dan pengaruh masyarakat memainkan peranan besar dalam budaya Soinke.

Pekerja dari agensi berbeza terlibat dalam penjangkauan orang Soinke di pelbagai negara. Terdapat lebih kurang 100 Kristian yang diketahui di kalangan jumlah populasi dua juta. Semua orang percaya mengalami penganiayaan. Mereka selalunya dipulaukan dan sedikit peluang mereka untuk bertemu atau beribadat bersama-sama.

Penterjemah Alkitab kepada Soinke adalah dalam proses. Penterjemahnya bertaburan dan terpaksa berkomunikasi melalui Skype dan emel. Sambungan Internet yang baik menjadi keperluan, dan menambahkan tekanan kepada kerja yang memang susah. Minat dalam penulisan Soinke, termasuk Firman, semakin meningkat. Kemajuan media dan teknologi membolehkan Khabar Baik dikongsikan dengan orang Soinke melalui cara yang bijak. Satu contoh adalah meletakkan fail audio pada kad memori SD yang digunakan dalam telefon bimbit. Ini memberikan peluang kepada orang Soinke untuk mendengar pembacaan Firman bila dan di mana sahaja.



TITIK-TITIK DOA:

- Berdoalah untuk penambahan peluang bagi Kristian meletakkan Firman dan penulisan yang ada ke dalam tangan yang betul (Yesaya 52:7).
- Berdoalah untuk penterjemah Alkitab, supaya Allah akan memberikan mereka hikmat besar untuk kerja mereka.
- Berdoalah untuk suku kaum Soinke, supaya mereka akan benar-benar lapar untuk Firman Allah, dan semoga kelaparan ini akan dipuaskan (Matius 5:6).

Anda ada mesej : Generasi-M?

Mengikut Laporan Mudah-Alih Ericsson, jumlah langganan telefon mudah alih di Timur Tengah mencecah 990 juta pada 2012. Timur Tengah mempunyai antara kadar penembusan telefon mudah alih tertinggi di dunia. Hampir 40% daripada telefon itu merupakan telefon pintar (smart phone). 58% orang Iran menggunakan Facebook walaupun terdapat sekatan dan penapisan, mengikut satu panel pengkaji atas talian Iran (yang dipanggil Chimigi, yang bermaksud ‘apa khabar?’ dalam Farsi). 25 juta pelanggan telefon mudah alih di Arab Saudi, Bahrain dan Kuwait kini boleh akses Wikipedia secara percuma – dengan tiada yuran data. Jordan membelanjakan paling banyak untuk pengiklanan mudah alih berbanding jenis pengiklanan yang lain di negara itu. Perkhidmatan mesej WhatsApp yang merekodkan hampir 10 bilion mesej sehari, boleh didapati dalam bahasa Arab.

Inilah kehidupan dalam dunia terhubung kita. Sama ada beritanya mengenai pengumuman tindakan ketenteraan Israel melalui Twitter atau app telefon pintar baru untuk pelajar Muslim, ianya jelas bahawa dunia semakin mudah alih.

Terdapat statistik menarik yang mencadangkan bahawa ramai orang muda di Afrika tidak akan belajar menggunakan computer tetapi akan berbuat hampir apa sahaja untuk memiliki sebuah telefon bimbit. Dan walaupun kebanyakan penggunaan itu adalah penghantaran mesej sesama kawan-kawan, banyak maklumat sedang dikongsikan. Pengguna Facebook yang biasa tentunya akan menghabiskan masa berbual atas talian, tetapi mereka juga menghabiskan banyak masa meninjau pautan yang dikongsi kawan-kawan.

Maka beberapa pelayanan Kristian telah mencuba pelbagai cara untuk menjangkau Generasi-M (udah Alih). Ideanya adalah untuk memulakan perbincangan dan harap-harapnya dapat menarik Muslim ke dalam dialog yang penuh bermakna, yang boleh membawa kepada kesaksian peribadi atau tawaran doa bila terdapat keperluan. Dan walaupun tiada siapa yang berpendapat teknologi menggantikan perhubungan peribadi, kajian menunjukkan bahawa benih tertabur dan tanah keras dihancurkan melalui usaha mudah alih, terutamanya melalui media sosial.



TITIK-TITIK DOA:

□ Berdoalah supaya Kristian boleh berhubung dengan Muslim melalui alat mudah alih dan menabur benih Injil. Persahabatan yang kekal lama diperlukan supaya melepasi tahap kenalan dan menjangkau Muslim dengan firman iman, pengharapan dan kasih sayang Kristus. Berdoalah mengenai peranan anda.

Eid 1993, Jun 1: Angkatan Serbia melepaskan tembakan dan membunuh serta mencederakan ramai orang semasa satu perlawanan bola sepak di Bosnia.

Sambutan Eid

Khobar Baik ialah Yesus adalah Anak Domba Allah yang telah Menghapuskan dosa dunia.

Perayaan terpenting untuk seorang Muslim dikenali sebagai Eid al-Adha atau 'Kenduri Korban'. Sepanjang musim perayaan ini, orang Muslim serata dunia akan sembelih haiwan halal mereka yang terbaik sebagai symbol Ibrahim mempersembahkan anak lelaki sulungnya kepada Allah. Perayaan ini juga menanda berakhirnya Haj.

Mengikut anggaran, sebanyak 100 juta haiwan akan disembelih merentasi dunia Muslim semasa Eid, yang akan tiba lebih kurang 70 hari selepas berakhirnya Ramadan.

Mungkin semasa perayaan ini anda boleh bertanya kepada seorang Muslim tentang kepercayaan mereka. Mereka pula akan bertanya akan kepercayaan anda. Anda boleh menerangkan bahawa korban itu adalah simbolik untuk Yesus. Anda boleh memberitahu mereka bahawa kita menggelarkan Yesus sebagai Anak Domba yang disediakan Allah – korban terakhir, yang menghapuskan dosa, ditinggikan untuk memberikan kita hidup kekal.

TITIK-TITIK DOA:

□ Upacara pengudusan boleh membersihkan badan, tetapi mereka tidak membersihkan hati. Hanya Yesus yang boleh membersihkan hati kita dan kita hanya boleh membuat demikian melalui bertaubat. Berdoalah agar Roh Kudus akan menggesa panggilan kepada pertaubatan benar supaya mereka yang sedang mencari akan menyambutnya.

□ Ucapkanlah terima kasih kepada Yesus Mesias kerana melalui

darahNya dosa boleh dimaafkan. Hanya Yesuslah jalan kepada Bapa supaya dosa boleh dimaafkan. Berdoalah melalui Yohanes 1:29, Kisah Para Rasul 10:43 dan Ibrani 1:3.

□ Efesus 6 menyatakan bahawa '... perjuangan kita bukanlah melawan darah dan daging, tetapi... roh-roh jahat di udara.' Orang Muslim faham yang terdapat satu peperangan rohani yang disebabkan oleh Syaitan. Berdoalah agar mereka akan melihat bahawa hanya Yesus yang telah mengalahkan dosa, Syaitan dan kematian. Semoga mereka tahu yang di dalam Kristus kita ada senjata hebat 'yang sanggup untuk meruntuhkan benteng-benteng.' (2 Korintus 10:4)



Maklumat mengenai perayaan-perayaan Muslim ada terdapat di laman antarabangsa: www.30-days.net/islam

30 Hari Doa 2013
9 Julai - 7 Ogos 2013

30 Days Southeast Asia
email : 30days.se.asia@gmail.com

30 Days International
Pf 1160
35745 Herborn, Germany
pray@30-days.net

Karena begitu besar kasih Allah akan dunia ini,
sehingga Ia telah mengaruniakan Anak-Nya yang tunggal,
supaya setiap orang yang percaya kepada-Nya tidak
binasa, melainkan beroleh hidup yang kekal.

Yohanes 3:16

© Hakcipta Terpelihara 2013 ISBN: 978-2-9531836-5-8



www.30-days.net/order

